

晚晴籜詩匯

北

平

南

南

南

南

南

南

南

晚晴籀詩匯卷六目錄

和恭親王弘晝 二首

果恭郡王弘瞻 十四首

履端親王永瑛 十三首

質莊親王永瑤 五首

成哲親王永理 三十首

貝勒永璣 三首

惠端親王綿愉 一首

恭忠親王奕訢 十三首

醇賢親王奕誥 十二首

孚敬郡王奕譔 一首

曹贊賢王奕顯

十二首

半婚釋王奕顯

一首

惠謙詩王傑誠

一首

恭心詩王奕福

十二首

吳晉賦王永慶

三十首

長輝永輝

一首

劉謙詩王永如

十三首

賀其賦王永如

一首

叶永謙王卓賈

二首

果恭源王卓賈

一首

曹贊賢王奕顯卷六目錄

晚晴移詩匯卷六

徐世昌

和恭親王弘晝

世宗第五子有稽古齋集

詩話和恭親王集初成於雍正八年高宗在潛邸為作序乾隆十一年重行付刻高宗復為作序備言少時同學相友愛習為詩古文辭極天倫之樂朱文端蔣文肅蔡文勤一時內直諸公皆有弁言深相

推許

積書巖

河北鍾靈氣巖深蘊太虛層山饒邃谷石室為藏書祕軸
雲嵐合遺文苔蘚餘茂先推博學對此定何如

秋日讀書

微雨瀟瀟生嫩涼藕花零落滿池塘地寬月到中天小氣

爽風過野水長觀物無心參造化開編有得即文章佳辰
好景登高近更索新吟入錦囊

果恭郡王弘瞻號經畬道人

世宗第六子襲果親王降貝勒進郡王有鳴盛集

詩話經畬道人幼受詩法於沈歸愚尚書恪守三唐
遺軌近體尤高秀五言如春衣孤燭外殘雪五更中
鳥啼春澗靜飯罷野雲涼四山連野暗一鳥破煙來
雨聲欹枕厭蛩語人秋高七言如暝色煙含孤鳥沒
秋聲葉帶一僧來垂虹屋角收殘雨斜日牆頭出斷
山入塞雁聲驚夢早過江山色到船稀三徑雲遮雙
樹黑五更寒入一燈青皆婉約可誦不失中晚風度
乾隆壬午夏九州清晏災道人後至談笑自若高
宗意不憚會其門客有干請政事者坐是降貝勒道
人殿門引咎抑鬱致疾高宗幸其邸撫慰復進郡
王不數日即薨

重登天成寺江山一覽閣

曉日萬峯幽重來憶舊游空林葉盡落清磬一聲秋圖畫

窗中得煙霞眼底收高歌思控鶴雙袖挹浮邱

題倪雲林畫

亂山重疊樹槎枒曲徑偏宜處士家想見虛亭吟眺處夕陽無限繞寒鴉

山莊

路接西山闢小莊柴門過雨靜年芳不容人到花垂地偶卷簾高燕在梁野草遠分流水碧夕陽斜照亂峯黃蘿陰是處堪延屨肯數藍田華子岡

和紫瓊主人卽事用端卿韻

庭院深深遠市譁薄寒輕暖護窗紗春林剔蘚思題石夜雨移鐙爲看花樓外鳥啼詩夢破風前人立帽簷斜紅橋暇日期相訪載酒隨君玩物華

奉輓二十一叔父慎郡王

悲風無端來朱炎生凜冽咫尺紫瓊巖幽明頓隔絕平生
與我厚古意相劇切騷壇許聯吟綺筵時促膝過從喜獨
便歡娛難具述百年似風鐙修短本難詰所恨賢豪身頽
萎太恩卒耿耿懷抱閒作惡那可說哭聲撼穹閭哀哀聳
毛髮痛定轉生疑迷罔坐一室檢點舊雲煙兩轡驪珠匹
詎知諄懇意卽此兆永訣天朝篤宗親優詔蒙矜卹叔其
可無憾而我轉蕭瑟悲哉三友圖早見霜松折賓客助悽
愴琴書防散逸蓋棺事則已流芬憑史筆物望儷閒平千
秋高鬱嶽

春草

春風消息散平原爲愛離離野草繁望裏鶯花三月路愁

中煙雨六朝魂乍隨柳色青連岸斜逐溪流綠到門漫向
陌頭尋往事依然南浦悵王孫
窗前生意始纖纖小院稀鋤色更添往日夕陽吟杜牧祇
今春水賦江淹晴烘芳徑侵朱履雨暗空閨映翠簾倘過
午橋風景地白羊還認酒家帘

春來是處總關情偏近池塘雨後生滋蔓傍人如有意托
根隨地不知名裙腰一道撩飛蝶釵股千莖襯落英莫把
官袍論顏色年年空惹路塵輕

謁十七叔果毅親王墓禮成感賦

寢門宿草淚絲絲寒食風前獨到時遺愛伏恭賴猶子招
魂伯道痛無兒昔年早上東平頌此日空瞻北海碑莫怪
杜鵑啼不住棠梨一夜滿空枝

松雪畫蘭

昨宵有夢落空谷開匣氤氳香滿幅鷗波亭畔好春光露
凝點點風揚揚巧從甃斗開生面筆陣縱橫墨花燦天目
山坳髣髴逢至元款識尋常見夙聞畫馬殊有神風毛霧
鬣看猶新換手忽傳林下態多情應對管夫人敷榮詎肯
同蕭艾嫩葉千莖綠玉碎小窗展對讀離騷可許楚臣紉
作佩九畹幽芳靜裏含秋來搖落有誰採一拳瘦石根無
土珍重同時鄭所南

秋晚

斜日大荒西晴沙散馬蹄旗翻千帳靜木落萬山低遠塞
看鴻雁連營絕鼓鼙關河渺長望衰草尙萋萋

野望

落日照延佇秋深沙塞間天低疑近水雲動欲移山鉛槧
聊從好弓刀敢就閒遙看點蒼隼千里片時還

輓周蘭坡先生三十韻

今代鑿坡側斯人不易求節還驚蛻委鶴化憶仙游禁地
懽初接騷壇契早投星雲煥彝鼎風雨落琳球典冊羣推
馬長城快倚劉數談知少日流覽足前修劘發看犀利機
行肯逗遛已聞翔鸞驚暫遣繫驂騮應詔鱸堂喜程材鐵
網收科名新押榜館閣舊登洲蘇陸遙宗法沈張近比侔
台階行貳秩仙仗謁南州遂命參桓傅誰容附李舟龍鍾
偏作態蓬梗動懷憂朝借鄰家蹇沽憑御賜裘後生誇奪
錦多病欲扶鳩小酌能過訪分題互勸酬層層蕉葉剝軋
軋繭絲抽敵破探囊底鐙傳豎指頭濠梁觀唼喋林木送

鈎斲聲逐瑤琴斷光仍寶墨浮老成紛落葉塵世幻輕漚
細想無餘恨祇緣未乞休此生原特達底事類窮愁架尙
堆千卷車甯要八騶重泉魂渺渺殘雪路悠悠旅櫬寒郊
厝遺孤薄宦留春隨漁艇發江入海門幽姓氏垂青簡襟
期在白鷗鄭鄉諸弟子若箇涕先流

早春園居卽事

昨夜初停鐙市囂小園暫遣息塵勞山排疎樹偏迎榻水
帶春冰不受篙位置鼎鑄添茗譜部分桃柳設花曹太平
消得閒中味休信林泉學養高

履端親王永城

高宗第四子有寄暢齋詩稿

詩話故事每以皇子出後諸王承其封爵亦有諸王
尙有子孫而特命皇子爲之後者如雍正朝莊恪親

王出後莊靖親王乾隆朝王出後履懿親王皆是王
詩意度高華風格雋上七言近體如日移牆角雲侵
榻風滿樓頭雨在山隄柳密魚爭出深院花開蝶
未知水邨斜揭漁蓑月山郭輕披牧笛風天未颿如
秋葉下橋邊柳憶夜烏啼片雲偶作風前雨落日旋
烘霽後嵐其神味聲律不在晚唐韓吳羅韋諸家下
也

觀鶴舞

幽人慣調鶴散步臨前墀興來觀其舞開籠無常期胎仙
若解意小立修容儀徐焉頓修趾雙翩俄參差暫離芳春
地不上喬松枝徘徊弄逸態宛轉矜殊姿驚鴻方振迅翔
鳳偏威垂煙霧隱芝圃風雨生瑤池詎嫌心目眩祇覺精
神移軒翥亦已久歛翼還自持橫空騁天步華表忘歸時
顧念馴養恩雲外憑招之低徊同戲綵不愧林家兒

古劍

性喜得古書今乃得古劍不知幾千秋埋沒無人按底用
倚天長三尺未逾半呼童忽開匣何待引杯看土繡掩神
光蒼虬掉尾健秋水想澄清精氣激雷電自有辟兵方衛
身君子便魑魅早潛形肯辱佞臣斷拔跡起重泉將毋遇
雷煥靈寶善藏鋒不須商利鈍紫氣隱文房莫遣斗間見
放魚子

取魚禁鯤鰐况剖腹中子何來赤鯁公沫血待乾死校人
貪作膾環顧動食指自斃望重生愛物懵於理祇憐魚子
活託命泥沙裏曾記放生篇方法猶堪擬團土護其胞渾
全毋破毀攜籃置深淵鯨吞知免矣日暖藻含温戢戢浮
清泚但使疏網羅慎勿恣刀匕

和海住先生登薊門獨樂寺觀音閣韻

我昔經漁陽振衣上傑閣回首春風顛幾度吹花萼蹲龍
去天咫尺怖鴿見人愕四禪雲與齊三乘塵莫著人海浩腳
下踏踏輪蹶錯翹首睅烏蟾光明金鏡灼平地湧珍樓有
目俱仰矚緬憶布金日良工巧營度四圍山青青千里煙
漠漠直擬妙高臺時沾香雨落誰歟運帚書墨痕濕猶昨
君居慚愧林性與俗緣薄登臨得佳趣客况靜於鶴憑高
賦大篇壓倒青蓮作正似遇崔顥口噤手難拓喆弟妙詞
翰苦思敢約略彷彿鬪詩械偏師互跳脫押韻比說偈茲
游樂莫樂縱教未同往補和心亦足丈六接尺五梵論信
昭廓彼岸望非遙慈航欣可託水觀先生家樓名倘容登庶愜
雪山諾

桃符

東海神山有神樹神荼鬱壘爲其主閱領眾鬼輒執之持
飼千年白額虎祓除不祥信有徵軒轅法象非無取爰從
度索伐桃枝削版成符制度古寸長則六方則三如法書
文色配五或描葦葉象蕃鮮或繪人形振威怒錫名仙木
祝長生歲杪紛紛家著戶後來圖畫失真意直作門神忘
初祖冠裳介冑總矜嚴兩兩成行備文武魑魅爭先不敢
窺靜鎮雙扉勞禦侮綠章願奏策勳詞戶牖侯封應及汝
縱能金印肘後垂生面凌煙常快覩退歸擬學笑東坡何
惜掃門羞噲伍年年遷次讓新官名位依然守銓叙所嗟
古制復已難雲掩綏山不知處

銅雀瓦硯歌

阿瞞漢賊非漢臣營窟乃在漳河濱銅雀高臺入霄漢參

差瓦縫排魚鱗太息人生祇如夢光陰老向軍中送分香
賣履事難言望斷西陵含隱痛中原劫運幾滄桑棟宇飛
灰草樹荒石墨那堪供染翰硯材差喜發幽光幻化本鴛
鴦成斑亦鸚鵡佳品自澄泥奇珍踰美玉卻想觚棱金碧
時琉璃片片亞檐垂誰能磨盾頻飛檄但說臨江自詠詩
到今遺瓦苔斑駁文房好倩良工斲君不見建安年號記
分明漢鼎雖遷留正朔

南海子行

君不見飛放之泊傳自元百六十里周繚垣紅門四闕通
苑路苑中極目皆平原略無高山有流水長林迤邐遷豐草
繁頭鵝詐馬有餘閒于焉較獵懸鶉貍勝地一從歸勝國
仁虞舊院無人識掃除榛莽撥禁軍曾記英公親奉勅官

衙忽被闡寺專豹房尙指荒邱側太阿旁落國步難遑問
區區此疆域我朝龍興天下歸千里和會尊邦畿廢苑從
茲作靈囿豫游幾暇揚鸞旗雲間八陣時閱武風捲三驅
大合圍慙勲習勞奉家法扈從棣萼欣交輝百年海戶千
人守七十二橋通澤藪三臺連峙三海深指點團河近雙
柳新池飲鹿閒萃蒿舊蹟晾鷹存培塿官莊分設四五家
歲納芻茭別無取頗見道觀雜僧廬靈風梵雨來空虛酒
肉茅山失法派瞿曇種類尤紛如膏腴寬敞便飛走大壑
於初還多魚雨露栽培經歲月離宮鼎足皆皇居詰戎大
事首馬政雁臣貢入龍媒盛六廡超遙八駿蹏監牧攻駒
嚴禁令何須苜蓿與渥洼甘草如飴水如鏡雲錦照眼勝
谷量土壤宜之順其性圍場習獵凡幾回黑頭頓覺青春

催伯仲當初我最少今日俄攜諸季來更憐子姪並壯大
短衣晨夕想追陪彎弓敢辭臂力輒棖觸舊況增清哀況
復從游懷杖履自別音塵幾彈指人間屢歎絮酒傾天上
頻嗟玉樓起賞花得句能幾春也復傷神判生死者番經
幄集羣賢只有蔡侯還到此臨風無限古今情天開陸海
依神京長楊熊館詎足擬馳騁信足豪生平喧笑未終感
慨集鶯唬燕語兼蛙鳴轉眼清和賦歸去挑鐙且快揮毫
成

秀巖上人以孟夏曉起詩見示卽次原韻

不礙塵寰住偏憐曉氣清五更殘月落一雨亂蛙鳴林外
鐘催曙簷前鵲報晴上人推枕起詩思此中生

懷紫瓊叔祖兼索近作

晚晴雜詩 卷六
八
何事難偷半日閒，金蘭情味暗相關。春來曾仗詩消日，老去甯從酒借顏。避俗心清新雨後，懷人夢斷亂雲間。豈無片羽應投我，馳字催君少破慳。

花朝

萸葉全開且未凋，眾香國裏景偏饒。百花生日傳何代，二月春光判此朝。撲蝶試看新扇影，鬢蠶應傍舊桑條。東風不爲游人住，九十韶華惜半消。

雨中馬上聞經畬道人訃音

蚤知勿藥翻長往，悔不臨行重問看。揮淚山川同黯淡，傷心風雨倍蕭寒。何堪少小頻攜手，頓遣歸來賸撫棺。從此瑤琴難再鼓，詩成無意費吟安。

出古北口

放晴眞欲謝山靈清淺潮河策馬經流水無情吞舊堞危
巒因勢起孤亭沙留平磧惟添白煙帶荒邨未斷青何必
防秋分內外嬴秦終是小朝廷

過孔武壯王有德墓

王本尼山後支分遼水東風雲需際會草澤見英雄皮島
才初展吳橋計漸窮天教投上國時至樹宏功締造膺皇
眷招徠錫命隆師仍提舊部銜獨授元戎袍解豐貂暖筵
張秘殿融直將心腹待應竭股肱忠兵特稱天祐恩尤出
聖衷鼓輦勞乍效銀幣賚何豐國號承基大宗王拜爵同
威揚平壤外聲震塞垣中降將開山海偏師佐鄧馮賊氛
旋拉朽明業已飄蓬定鼎邀殊賞爲屏冠上公自茲頻討
亂所向輒橫空捷屢馳吳楚銘兼勒華嵩定南封更晉壤

外獎宜崇疆圉偏多事干城合鞠躬蠻方琛未獻粵徼道
 宜通遠統貔貅往親蒙矢石攻桂林除跋扈梧野起疲癯
 反側行看盡功名惜未終潢池妖復熾萑澤擊潛訑大帥
 成孤注危城倚上穹來援音杳杳出戰勢怱怱冠裂肝俱
 碎袍沾血盡紅肯將身落賊爭覺氣如虹素帛全遺體丹
 忱報直聰盟無慙帶礪軍竟化沙蟲馬革酬專闔牛眠敕
 考工烈名標武壯曠典荷帡幪我偶紆吟轡人來說殯宮
 由來能擇主浩歎緬英風

質莊親王永琰

高宗第六子有九思堂詩鈔

詩話質莊親王善書出入率更承旨二家虛和道麗
 詒晉之亞亦工畫山水守宋元矩獲遠與紫瓊瑤華
 相頡頏嘗屬無錫華慶冠吉崖寫照自為補圖題曰
 聽秋陳勾山太僕為題識略言宋王駙馬愛畫寒林

秋水米老謂卽此見其貴而不驕況出自帝子乎又以勾山與金雨叔侍郎詠蚺酬唱戲作蚺田圖圖中爲蚺四俯仰參差生趣遠出

擬陳拾遺修竹篇

籊籊產終南嶰壑互深邃湛露滋甘膏流泉激清吹含氣
儕芸生獨秉造化粹猗猗發崇標垂條鬱森萃風迴玉夏
音雲披色含翠靈根待鳳凰空山辟魑魅崑崙萬里遠聖
世有嘉瑞虛中抱宮商韶咸於以被當其植幹時堅貞有
眞意松柏得其傳桃李良自愧篠簜亦多材效長終遠致
緬彼有筠姿風契結寤寐

廿六日度羅睺嶺入潭柘岫雲禪林

曉夢破濤聲幽禽近枝囀畏寒尙擁衾言補昨朝倦東方
浴海瞰野氣若蒸甌招提伯仲間廿里無平甸威紆良背

行眼暈逐峯轉攀徑肖猿緣到頂儼螺旋僕夫惜馬蹶陟
降輒原巘渾河俯漭流青蚓盤一線亂石叱餘羊雜花墮
疑鈿邨氓傍嶺居廚煙互蔥蒨頗遜上泂佳山中小宜下
巽佃過山山愈積晴嵐移九面培塿幻松岡薏苳出蓮殿
餐秀不療飢淨盃分壘麵坐禪芟晉談走病取吳諺礪泉
語幽修引入丁東院遵途勞佚殊閱候暄淒變卻睇前峯
雪已空桑宿戀

尹望山招絢春園雅集

春風裊裊吹餘寒柳枝欲綠梅舒丹纖塵不起四郊淨白
雲澹蕩天宇寬何處去天才一握平津別墅饒芳藥主人
愛客兼愛詩羣公問字經過數良辰招客琴尊開華簪珠
履登春臺旋膾銀鱗出翠釜還傾琥珀注深杯九州英彥

蓬萊友五十年中輩先後擊盃哦詩詩盡成薄罰停催金
谷酒當筵日轉層城霞紅亭綺榭流清華源頭活水承太
液絢春題榜來天家嵐光翠滴西山暮漠漠微煙籠苑樹
樹頭烏宿酒微醒天際雲歸客初去東閣深沈淑景遲風
光咫尺悵攀追拈毫漫作邯鄲步一曲陽春和者誰

長生無極漢瓦硯歌

阿房土焦未央起萬歲千秋功莫毀金仙去渭荆棘蕪片
瓦往往珍璠璣中凹上銳形式古銅雀香姜濫觴祖鑄成
吉語誰氏題意取壽與金湯齊長生海外方難得炎祚巍
巍永無極當時慎重命將作豈謂年深土花蝕漢家宮闕
天下雄襟帶馮翊連扶風候真但願益延壽桂館旁峙蜚
廉通至今雍耀出耕墾銘識屢見摩挲同乃知頌禱賴夸

飾靈光過眼煙雲空吁嗟此瓦滄桑閱隸法斯邕細堪別
秦鏡塵昏莽錢缺幸未磨穿勁於鐵春風無賴荒石田曉
露不滴金莖圓誰能裏攜直中禁倚馬更賦甘泉篇

晴

新雨池塘足清晨喜乍晴小橋垂柳色深巷賣花聲鳥語
迎人樂山容照眼明高樓春一望徒倚暢吟情

成哲親王永理

高宗十一子有詒晉齋集

定郡王載銓日立義卓雅詞旨沈潛淵博之中多出
新意雋逸之外悉本典墳奧旨深辭非文人所能企
鱗魁曰宗潢人文自紅蘭貝子首倡風雅問亭將
軍紫幢居士曉亭侍郎月山上公後先繼起近則首
推成哲親王天才既超學力復粹詩古
文辭動合典則臨池不倦書法尤高
詩話成哲親王學詣並美為有清一代宋邸之冠年
事既高著作遂富詩以言志卓爾不羣同時上齋酬

唱諸人往往附見具知師法蔚有本
原唐宋以來帝子工文實罕其匹也

秋分日作

喬木眾綠退寥天緒風起迨此夕陽好忽共流波靡自有
中天月可以見千里山川阻且修白露零未已

出古北口

複嶺風雲鬱層關霄漢開古愁輸遠浪寒色上荒臺飲馬
生泉徧連烽到海迴悠然一片月曾照舊龍堆

寒雨吟

行雲掩藹西山岑蒼然暝色成輕陰初看小苑收殘照漸
覺涼風動遠林涼風颯颯吹旋急細雨絲絲芳樹濕鴨鑪
小餅自添熏鴛瓦層檐未聞滴轆轤金井闌邊轉隔花宮
漏宵寒淺暗疑溥露湛金英靜喜霏香潤蒼蘚金英還雜

暹蒼蘚正參差芳懷漠漠秋懷並寒淺寒深祇自知空階
絡緯嗁聲小半落紅蓮向宮沼高樓雁響此時沉寒雨機
聲何處好霏微寒雨暮秋天羅幔秋燈黯澹邊秋衣準擬
明朝換明日簾櫳冷翠煙

閒庭

漠漠閒庭納景寬玉闌干外水光寒春來別有雙梅樹欲
寄情深落筆難

明霞散彩小樓西碧柳初長紫燕嗁正是閒庭風景暮游
人歸去草萋萋

木 渡句驪河

句驪之河河水古貞觀萬馬飲馬渡淤泥塞道軍負土行
人欲尋失故處何況司馬懿與公孫淵一勝一敗千餘年

蕭蕭野岸水無言西流繞出鄧子村遼西河之右遼東河
之左太平疆界無彼我河左遼之東河右遼之西年年入
貢高句驪

過古原州

句驪河畔曉陰稠河水無聲漫漫流兩槩船頭漁父坐亂
煙寒雨古原州

老邊

葦路開維始神皋勝可論數傳天下大當日老邊存爲是
邠岐地如觀江漢源民風政淳樸耕鑿到兒孫

韓太傅祠

弱齡誦古策意本嗜韓詩外傳數萬言逸事賅信疑昔者
仲尼徒一本乃百支祖龍煬爲煙遺老伏餘黎漢興稍收

拾厥初人異師師異雖紛紜淵源各能持太傅尤卓然方
當文景時黃老芥青紫抱經如不知下馬肅修容再拜三
間祠陟彼授經臺低徊步難移小宛之四章慨彼日月斯
太傅闡其旨切切作箴規苟能日益慎完如金城基六語
奧而簡夙昔服膺之修能迄無謂出門顏忸怩

汶上

一水中涵翠浪明北連曉色泰安城煙蓑嫋嫋停橈處汶
上春陰畫不成

曲阿後湖用顏延年三月三日侍遊韻贈吉渭厓先
生

發歲徂南征江路紆上游俶裝被霜雪駕言發皇州歷覽
岱嶧陽涉亂淮湖流飛雲傍轉轂皓魄隨行舟觀濤海門

出采華京口浮潺湲弄湖水琴麗揚翠旂閱軍戰艦罷擊
汰棹女謳側聞東海神具禮傾十州嘉哉靜姝子不字非
其疇翩翩金馬彥養疾棲林邱相逢話離索迨此東風柔

歎菊

千山凜嚴宵眾木落清曉我行木蘭中滿目秋事老憶我
寓舍菊階砌舊繚繞或能凌霜風及歸遂幽討寒窗暫憑
藉短筇急灑掃而何一悵意委地竟衰槁枝梢助憔悴姿
格失窈窕鬧蜂遠颺去吟蟲近縈抱誰云冥情思祇是觸
煩惱萬物固代謝菁英焉可保留連自愴惻毋乃乖達道
顧念手親栽胡能首輕掉雖乏靚妝豔庶期素襟表賦質
良苦薄一榮如過鳥使我興欲索胡爲劇潦倒明晨捨之
歸策馬意悄悄

題李時勉詩箋

每撫詩箋感昔賢墨痕滿目意淒然金瓜事慘洪熙世木
校身危正統年指鹿朝廷誰直道多魚將帥竟生還諸生
亦見何蕃輩肯爲孤臣伏闕前

崖口同朱石君先生作

雙崖豁蒼穹萬仞削壁直將將象積石左右屹如植疏峯
鎮其叢仍巖衛其闕閭闔何其衢虎豹守其塞攀愁猿猱
足過窮飛鳥翼老藤束阨危怪松出剝刻太古無登降莓
苔厚黝黑崖陽榮靈草素霜莫能蝕崖陰處山鬼噉日安
得仄峭門軋關鍵百寶氣屯逼龜山橫西南伊孫中抑減
理無生使獨意驚見所域含暉娛已極蘊眞賞何亟從獵
蘭臺英敬爾載筆職不見燕然銘千載無變泐

春游故事

上春時節上京游
春雨春風儘未休
何處行雲停翠管
幾家明月入朱樓
山亭小部唐三輔
蠟燭輕煙漢五侯
燕子只知尋社壘
一年一度認簾鉤

游澄懷園呈姚息齋鄭雲門茅耕亭秦易堂戴石士

五先生

春水隨風綠到門
熙朝宰輔舊名園
諸公退食惟文史
深屋端居簡晤言
花影猶能向晴昊
禽聲已復勸清尊
請看百畝樓臺地
薜荔煙痕上短垣

自題畫梅

蒼蒼暮景翻歸鴉
玉房掣鎖玉繩斜
春愁浩蕩不可說
東溟皓魄照寒花
羅浮仙人翠鸞車
水蒼鏘然戛衝牙
飛雲

亂絮相交加大庾嵯峨阻且遐江城入破聽不得策杖矯
首還歸家雪如春愁亂如麻芳草漠漠生天涯

隗囂盃歌

隗囂故宮盃數枚秦州山農鋤出者杜老吟時殿已空悠
悠忽復千年也白水真人老兵事得隴望蜀心猶且飄燈
小雪照題詩磨墨阿瞞臺上瓦

易州道中作

鞭梢拂地出春明何止人間萬里行馬上春山南北夢耳
邊寒水古今聲草回原燒青纔動柳受邊風綠未成正是
清明兼上已去年零雨最關情

山亭避雨

詰曲山行雨色深非關野步負登臨孤亭古樹葉微脫眾

壑邊秋地易陰隔岸影寒搖水草投煙聲濕倦山禽不知
油蓋從誰借坐久漸忘人世心

望松歌

連岡疊巘何嵯嶢萬松拂鬱翻雲濤中有一松特矯出高
張華蓋撐秋霄華蓋層層天沈寥激景太半明纖豪如開
玉女窗引手攀招搖又如懸黎之履照灼璇宮朝絳節不
動剛風饗寶鬘瓊珞交煜燦離婁目奪珠幢標帝車龍角
方魁曲杓軒軒孔鬣翩翩鳳翹蓬萊海水若不淺日桑月
桂枝葉行相軫問年乃在循蜚疏仡泰古始顛秦躋漢草
木兒孫曹其下當有偃佺之輩羨門之曹拍肩把袂羣游
邀寒麟臞鹿蒼梧醪欲往從之山甚高側身西望心煩勞

題漢西嶽華山碑

漢家西嶽華山碑世間兩本此第一商邱巡撫之所藏秀
水檢討有題筆吁嗟魏公四字印亦欲遐傳守毋失誰能
老飢抱文字蠶紙猶向人間出自秦登山誦略興兩京文
章富石墨嶧碑雖焚棗木樞岱碑云亡內司刻太華極天
應井鬼少昊所治秦所國徒聞遺璧鎬池君不見臣斯與
臣德茫茫萬古此石存岌岌溟翻老沙泐搨本絕少傳已
難覓屬又遭媚子踣達官當時勢絕倫古物一文錢不直
我曾再拜金天墓大碣荒莎風雨蝕此碑忽復曳長繩能
不興懷同歎息文云漢興紹前制虞典周官稽警蹕孝武
之世廟貌隆特起尊嚴闕宮衞門曰望仙宮集靈志荒意
惑長生術欲就鶉首相酌斟遂呼天神來博塞國祚中闕
祀事衰太守能賢重修職朝端昏棄曠明禋稍稍規模率

錢力延熹至今浩千年十字之外無缺佚重如元雲垂下
天輕若風斤得其質素蛾一片中秋中泰折層成北郊北
黃河之水星宿來蛟擲龍騰相逼仄商盤魯壺在崇玷瓊
草金芝上仙植如華萬仞絕攀援人間紙筆書不得法書
迴可日月垂其人豈必中郎實察書市石無了期又於徐
趙爲蚶翼小儒舌舉恥闕疑大抵紛紛決以臆我生兩手
懸鈍椎握管僵如著在劫傍通二篆貫八分少年鹵莽謂
可必闕里宮牆兩拜瞻強復低徊史與乙忽然季子見韶
箭何止歐陽坐旬日秀水修撰詩七言商邱侍讀金十鎰
風流坐映康熙朝不愧細書在石室

聯輝樓侍諸先生小飲

我有一園花婉變相窈窕春風一披拂去日常不少羸馬

長安游紅塵令人老魏其身治具晨起自灑掃貴人驕不
來既來苦不早失意杯酒間毛羽安能保不如同心人歡
言結崇抱君如欲看花及此顏色好

送稚存先生給假還里

一杯酒相情親人生安得無故人相情親一杯酒故人那
得無分手去年春寒花未開穀人先生搖艇走庭虛情滿
思念深一日何嘗不在口君無吳君膳羞戀白雲更不煩
搔首英年幕府辟才賢博學宮端冠師友信知縱跡半風
塵未遽容顏全老醜何爲匆匆卷裝去邂逅無由折楊柳
君言令弟罷微員昨接家書溘積朽寒冗倖祿恩何酬期
功在官顏孔厚雙鳧乘雁足江湖密篠疎松合箕帚閉門
須多著書日况今年才四十九古來良士不文章世上枯

墳竟誰某鴿原盡急歸亦得溫樹無言意非偶錫泉甘甘
不吾負到及新茶綠如韭但恐吳君解笑人此行已落春
花後

題近香樓

四坐且莫誼聽我說此樓清華舊里東北頭興替甲子今
三周丹稜汧邊萬泉出貴家往往分清流米園李園最森
爽其餘瑣瑣營林邱千金大石卧野色一夕小苑來邊愁
米萬鍾得大石於西山力不能致又遭亂遂棄之良鄉內城有窟竟飲馬春草無場

堪擊毬天地變化太平見八極閑暇無煩憂長白索公坐
內閣堂封實戶輕王侯安知進宅事良有但說旋馬心誠
羞春明勝奪董宇定金陵記掩王弇州聖人誥誠出深厚
孝經四字垂琳瑯保全委曲國體大寵賂太甚民言浮相

公猶嫌起無地掌武苦欲名常留荷花空對石磯冷燕子

亦知簾幕收

園為索額圖賜園有仁皇制節謹度匾額後燬於火今唯御筆青翠霄漢四大字懸樓

上素卒以修敗

南齋舊輩話恩遇

憲皇特詔登瀛州宮壺賜霑

豔侍從集賢改榜崇儒修城南羸驂念奔走苑東廣厦教

番休蠹書一變華無色布被卻向單寒求及開書房置師

傅遂許名儒來息游李躬由來擅年學蘇秦不得干春秋

繫余苦憶幾老宿草野本色酣巖幽朱門蓬戶底差別黃

髮青燈心尚猶寅入申歸事不廢五休十澣私得謀恩波

深長曷有極表宁清貴真無偽雖然崇抱在銅鉢不慙通

講歌銀舟有時退食散情性舊醅小榼相綢繆每攜一味

對咀嚼肯復兼旬孤唱酬葛山宮師九十二碩果高映天

南陬曾描八友作圖畫昔也豔豔今悠悠而我書房四十

載抱孫屢及師門投藏心故實說難了滿眼新歡來更稠
溪聲樹色工閱客樓上光陰如傳郵

天平山

天平山上先賢祠萬石林立留人衣祠前草木合恭敬况
是古荆連理枝黃鶯高下引空曲翠壁往復工蔽虧當頭
忽見太湖白春風渺渺無津涯

滄浪亭

滄浪亭子枕石湖宋賢遺跡俱荒蕪楊花輕輕魚作隊蒲
葉短短鳧將雛薄游城南趁佳日煙景稍曠笙歌疎歐公
詩話自千古衡劑未肯分梅蘇

觀潮小引

海風捲雲入車箱白波一綫起東方須臾雪濤萬丈強震

霆倏過澄江光來如戰酣去如忘天地動定非可常端居
未始觀物變小知笑彼圖南翔

自怡

自笑詩成債猶愁歲欲殘栖遲深屋裏拳曲凍毫端老眼
垂垂暗名家的的難終年無合作將底世人看
世未稀真鑒吾惟取自怡龕材貪撥悶暮景厭徇知服散
行移晷焚香坐閱時八方求道後無限夕陽遲

貝勒永璉

高宗第十二子有日課詩藁

題十一兄漁隱圖

江湖有散人雅尙凌仙嶠青笠綠蓑衣泛宅逐蓬藿扁舟
澹容與鷺鷥作同調長物唯緡竿至足在漁釣白雲從空

流眠月仰天笑目極宇宙寬浩蕩無遺眺朱門多紛營櫻
縛苦糾繞而此獨逍遙忘機自舒嘯咄彼抗塵容翹心束
帛召

德壽寺牡丹短歌

飛放泊邊春不淺德壽寺裏流鶯囀探花笑我馬騰騰待
客無僧旛閃閃百年已是干戈靖一龕獨任光陰轉洛陽
姚黃不須問且對繁英生蒼蘚今日看花花莫放來日看
花花莫斂花應知我非世情與爾相看動幽感

木蘭秋夜

雲斂長空素月圓碧天秋色鎖寒煙不知雁響沈何處古
塞疏鐙客未眠

惠端親王綿愉

仁宗第五子有愛日齋集

詩語咸豐癸丑寇犯畿南
以重陽日御殿頒印並出
 文宗授王奉命大將軍
 佩用故王集中有重陽日作
 宣宗所賜銳捷刀命王
 君寵刀印捧競競任重心惶
 恐述此事也僧忠親王
 時為參贊大臣詩中有追悼
 語當作於僧邸死綬之後

步孫符卿游園韻

公退行吟地煙霞繞此閒園亭臨佛寺雲日近仙寰新漲

波三折枯藤手一攀我師謝安石游興滿東山

恭忠親王奕訢號樂道主人

宣宗第六子有賡獻集帖岷懷音樂道堂古近體詩萃錦

吟

詩話恭忠親王夙為
宣宗鍾愛嘗與
 文宗共肄

武事寶鏑揚威棣華協力錫名所寓期勉良深咸豐
之季 文宗出幸灤陽負重投艱功在社稷 穆宗
 德宗兩朝匡襄大政棐忱蓋勤史不勝書中間亦

嘗退居晚乃復起卒以盡萃錦吟皆集唐人句其
時正值罷政瘖口噤音見於言表唐堂香屑所處迥
殊固未可
同日語也

琉璃河口占

山尖靄靄含青靄林外蒼茫罨曉煙兩岸荻花秋瑟瑟數
行雁字點晴天

易州道中詠懷古跡五首用杜工部韻

淒涼百戰瘡痍地亘古英雄草莽間風韻蕭蕭生易水雲
陰漠漠擁燕山銅駝歷刼觀興廢鴻雁忘情自往還萬壑
千巖環崩劣亂峯高聳紫荆關

黃金臺畔足傷悲盛禮當年比事師市駿按圖來異種翹
材挾策萃同時卑身厚幣殷勤致雪恥親賢夙夜思一陷
臨淄城七十垂成功業誤多疑

兩峯削立勢如門，隱約林坳見古村。
落木遠巒煙黯黯，孤城平野月昏昏。
朔風似訴燕丹恨，流水難招俠客魂。
千載悲歌徒感慨，一鐙青史細評論。

荊客輕生辭故國，就車慷慨向秦宮。
咸陽設險三關上，督亢全拋半幅中。
酒市高歌空俠士，花源避世說漁翁。
未能拔劍如曹劇，勝負興亡一夢同。

移禍喪身何計拙，田光智勇豈言高。
欲同楚國稱三戶，竟使秦兵虜二毛。
虛擲頭顱傷長者，枉求匕首副兒曹。
阿房一樣成焦土，漫詡長城締造勞。

七弟二十壽辰

名園蔚秀絢秋光，壽客筵開菊正黃。
廿載墳簾同硯席，九霄雨露浥瓊觴。
平原筆力能穿紙，小謝詩才更擅場。
聖主

恩深垂念切一編花萼許聯芳

鑑園遣興集句

積感深於海拋杯瀉玉缸山公能飲酒謝守但臨窗星轉
銀河夕風欹翠竹缸未霜荷已敗溪鳥不成雙

白屋懸塵榻情忘趣轉閒感時空寂寞因病縱疏頑窗外
皆連水牆頭亦有山偶來松樹下新月照澄灣

自顧才能少非關養性靈亂鴉投落日孤鶴在高冥乘月
託宵夢焚香閱道經百年夜銷半生事感浮萍
永懷愁不寐挑盡草堂鐙半月無雙影看心是一乘離情
欲寄鳥吟客靜於僧到處慵開口忘言少愛憎

新秋集句

鳥臨窗語報天晴冰簟銀牀夢不成萬物盡一作遭風鼓

動一生長共月虧盈時沾村酒當軒酌自與煙蘿結野情
試上層樓情入骨蟬移高柳送殘聲

贈李少荃相國集句十二韻

霽景牽詩興氤氳暖碧空花光晴漾漾春氣又融融霖雨
思賢佐天人得大通多才兼將相旌節屢西東玉勒浮雲
騎金鞍明月弓鈞衡持國柄豪傑自牢籠坐見威稜洽夷
情草偃同定功彰武事非是爲獯戎晤語方明志邕言讓
在躬劇談推曼倩飲酒憶陶公達士心無滯吾生學養蒙
願陪歌賦末下曲本難工

醇賢親王奕譞號樸庵

宣宗第七子有九思堂詩藁九思堂詩藁續編

詩話醇賢親王篤於忠孝咸豐間嘗被命題畫兩首
皆用扶杖字文宗爲改定從游福海賦詩有句云

水樹迎皇幄雲山入御筵
興慶池應制詩語汝顛倒用之耳後編詩稟以此諸
篇列成豐朝詩之首備記其事又補作紀恩四章辭
旨非惻穆宗鼎湖尤多攀援哀咽之語王母莊順
皇貴如病中索西瓜以方冬不敢進翼明即逝王引
為深憾祭必設瓜漿亦見於詩及光緒紀元王上疏
請預防邪說鑑宋明大禮之議而
定於及身卓識深慮侷乎遠矣

余十六歲蒙

先皇親授刀法今奉派管理營務每見技藝步法不如內
學迴思當日深恩慨然有作

二百連環法刀傳自內廷霜鋒揮閃爍寶鏢式儀型上苑
松陰碧離宮草色青即今修武備時事此身輕

官軍攻克金陵詩以志快

蠻觸紛紜一炬枯欣傳露布達京都不因塵海櫓槍患肯
發天威霹靂誅十二年華稽國法九重籌算盼民蘇連營

叵合皆精旅名將風流本宿儒立幟先登城屬漢揮戈直
入地平吳狼奔豕突氛終掃鼠尾牛頭讖已符探本窮源
恢大業酬功覃賞壯皇圖搖墀怵舞龍顏近鳳詔遙頒聖
澤敷

有會漫書

窗下青石盆其方尺有咫蓄以小游魚盛以清冷水蕭齋
薄醉餘寂寂憑欄視俄從竹籬根鬪出南柯螳始則互牴
牾繼見一披靡前者逃倉皇後者追不止攀援復爭逐共
落石盆裏幸而陣風來吹墮桃花蕊二螳附蕊上浮沈如
有恃一勺碧紋輕在螳滄浪似一瓣落英飄在螳舴艋擬
因思湖海間從古爭不已纔見降帆出又聞戰艦駛南渡
暫偏安北征甘誓死叱咤海風生衝突銀濤起諒在天視

之亦猶此益耳

天成寺江山一覽閣恭依乾隆壬戌 聖製題石壁

元韻

傑閣枕巒顛晴開隔宿煙徑如蛇宛轉人似鶴盤旋絕壁
形遮塔幽禽語和泉省方全盛世重感紀元年

入門

入門無俗事第一問梅花爲報茶爐畔纔舒鐵幹斜漸爲
春遞信仍待我歸家亟命開樽酒相釀萼綠華

蒔花

除莠培根辨煥寒護持少惰色香殘區區草木猶如此無
怪民生得所難

讀史

倉卒青岡盡倒戈，功成天幸論非苛。一呼豈料真移陳萬騎，誰教竟渡河兒輩。逡巡原愕眙中軍，談笑故婆娑深謀。終許桓宣穆，慚恨猶嫌客氣多。

萬曆十年龍文九子墨

按九子墨爲古婚禮用

麝元香擬熙豐世，龍文脊肖廷珪製。翠黛泥金煥若新，雀屏已改青雲第。好事何代無昌言，胡郎承晏評淵源。一朝投贈黟川品，月團聲價逾瑤璠。開緘細楷標壬午，摩挲深慨爭門戶。大奄披猖燄旋消，羣工齋醮心誠苦。就中獨惜張江陵，冰山十載徒峻嶒。起衰振墮千秋業，好譽居功一字矜。是年朝政如麻亂，新昌彭澤紛凋散。白簡青詞事疊更，蒼崖黃犬心三歎。盈庭抨擊禍何深，是非顛倒爭驅侵。閩外長傳紀效法，宮中猶榜肅雝箴。緬懷礪銳霜毫引，睢

陽一斗應立盡不道葛囊淪落餘尙留烏玦同高隱飛揚
鱗鬣氣如蘭珍比澠池趙璧完吁嗟十頃田蕪久未抵松
煙墨一丸

哭殷譜經先生

一書報君病再書報君逝臨風一哭君別灑無窮淚蕭山
文端師與君朱陳誼余季孚敬王與君青藍契從弟蟬齋
詢髻齡杖履侍回首三十年都成夢泡類君在心尙酸君
逝心如醉欲紀君才華遺集已行世欲紀君出處史館有
成例我但寫我悲一紙祝融畀倘能達九原君應爲隕涕

月夜偶成

卧聽烏雀啄莓苔睡起松窗素月來草際蛩喧轉幽寂花
間露重爲徘徊恩深暫輟林泉志事急方知將帥才淡淡

銀河舒倦眼天狼不見見三台

海口夜泊月下望海口占

南岸彎環北岸斜洪濤縱目望無涯五台舊蹟傳千古

臺駁

凡五以威鎮海門高爲號咸豐間僧忠親王策議和後久成廢址少萃相國督直後復因其舊而新之更添營壘爲輔四海他年或一家帆影隨風輕似鳥波光映月盪成花樓船振旅吾何敢聊說張謇犯斗槎

航海放歌

我曾游徐無絕頂峯上頭登峯更宿峯之樓下視眾山皆培塿疑是銀濤千里翻清秋今復躋天橋危坐入東海飄飄心跡眞仙宰滄波萬疊湧艤幢又疑雲煙出沒籠崑鬼西送月無痕東瞻日初浴除卻升沈赤白丸惟有滉漾一色連天綠仰寥泬俯幽宮神不可召蠡不可窮但學謝安

石悠然雲海中不學郭璞狂浪說蹠涔同我心先爲坡僊
得走筆大書示二客茲游奇絕冠平生蘇一言能抵千行
墨涯涖渺不見仙藥安可期放懷且邁洪流外看作桑田
未變時

孚敬郡王奕譔

宣宗第九子

題五叔惠端親王愛日齋集

傳人原不在文章一卷遺篇什襲藏冠代宗英推領袖詒
謀家學重巾箱蓬山唱和多名輩蘭室研尋味古香別有
箴言堪證道讀書明理誌無忘

晚晴籀詩匯卷六終

...

...

...

...

...

...

...

...

...

...

晚晴篋詩匯卷七目錄

原封勤郡王蘊端

首十七

追封簡親王福存

一首

貝子吞珠

六首

輔國公德普

四首

平敏郡王福彭

一首

追封莊親王弘普

一首

怡僖親王弘曉

六首

甯良郡王弘晈

一首

輔國公弘曠

二首

原封貝子弘晄

六首

康修親王崇安

一首

原封輔國公恒仁

十七首

東列縣王崇安

東列縣王崇安

神國公山朝

東列縣王崇安

平定縣王崇安

東列縣王崇安

貝子吞粒

東列縣王崇安

貝子吞粒

東列縣王崇安

貝子吞粒

東列縣王崇安

東列縣王崇安

晚晴移詩匯卷七

徐世昌

原封勤郡王蘊端初名岳端字正子一字兼山號紅蘭
主人安樂郡王岳樂子初封勤郡王降貝子坐事奪

爵有玉池詩彙

姜西溟曰玉池生稟中有體兼濃麗清逸者義山致
堯之遺奇情激昂馳湍發而不可遏抑者鮑明遠
之宕逸高遠夫之悲壯也顧梁汾曰紅蘭集無體
不備從容繹之為雅頌者十一為風者十九汪退

谷曰紅蘭集清婉奇麗出入
於太白昌谷義山飛卿之間

詩話紅蘭主人太祖曾孫嘗膺高爵而勤學好問
禮賢下土勲懃靡已選刻郊島詩命曰寒瘦集漁洋

亟稱之耶中賓從以吳江顧車無錫朱襄錢塘沈用
濟為最知名用濟客京師久其妻朱柔則作畫寄之

主人為題詩曰柳下柴門傍水隈天桃樹樹又花開
應憐夫婿無歸信翻畫家山遠寄來主人又善畫自

題畫梅曰正值天寒雪下時披裘獨坐酒盈巵客來
索畫無煩想隨手梅花一兩枝畫葡萄日會聞詩膽

大如天請看狂生畫亦然亂點葡萄十數箇只
求神似不求圓三絕句皆俊逸足以見其風致

讀列子

嗟嗟子列子居鄭四十年國君卿大夫無人知其賢子陽
不好士遺粟以人言當年有飢色後世稱神仙

形動而生影聲動而生響無動而生有自然非勉強有形
必有終死生互消長茫茫天地間那能常俯仰鬼者卽是
歸當作歸家想死人爲歸人生人行何往一人失其家世
必爲狂蕩天下皆失家會莫知其枉聖人一生死去來如
反掌

人生有大化天地皆密移死亡接老耄少壯代嬰兒貌色
與智能爪髮與膚皮隨生而隨落非復嬰兒時其間不可
覺俟至後方知

關山月

關山月一年十二度圓缺平時不忍看況是中秋節此際
穹廬已盡眠團團獨對南來客關山月玉宇絕纖塵平沙
明似水矮樹遠疑人關山月萬里共清輝回想閨閣裏應
照流黃機停梭望明月淚下沾裳衣關山月升自東海灣
經天涉黃道如輪沈西山月輪有升沈人生有往還月下
計歸期白露溼衣寒幾時桂魄滿方在故園看

戰城南

朝戰城之南暮戰城之北闐然一鼓兩陣交殺氣暗天太
陽白將士奮呼擊賊無不以一當百矢石旣竭繼以鋒鏑
自未至申敵兵乃卻將軍戰勝氣如虎立馬軍前點部伍
西山日落東山昏收兵渡河河水渾白骨堆中鬼語聚黃

沙田上寒燐屯戰馬驚鳴不肯行腥風吹透傷刀痕舊卒
三十萬半作離鄉魂將軍要封侯未肯入雁門君不見漢
李廣數不偶而奇又不見班定遠白頭歸已遲將軍兮將
軍胡不歸享太平時

靈佑寺丈室畫松歌

高僧丈室素壁立色如積雪光如溼卧雲主人發清狂潑
翻一斗松煤汁由來筆可補化工化出蒼髯老黑龍老龍
惟肯半身見半身何處藏虛空龍性變化原無窮頭角插
戟尾掉風行處雷電雲雨從豈知時序當嚴冬蟄龍垂首
等蟄蟲豐隆捉龍擲壁上更化百尺之老松老松前身是
老龍松龍雖別神靈通趺坐猶然風雨後猶作濤聲吼定

中

遵化道中

朝發石門驛行行去莫停雲低垂地黑山削倚天青歧路
愁縈結孤城望杳冥一宵聞雨過溪水沒魚汀

雨霽

梅雨正淒淒空庭入望迷當門不見路積水已成溪細草
涵煙綠垂陽覆檻低晚晴無限好白日挂簷西

紅蘭室同朱襄夜話

閒談消永夜海底出冰輪室暗燈花大窗明樹影真擁鑪
貪暝氣多病減精神無酒娛詩室深慚作主人

積雨初霽同蔣景祈王敏敦柯煜周鼎沈堅釋元乘
分得八庚

連日濃陰積今朝喜有晴映苔流水綠近日亂雲明旋聽

涼蟬噪猶疑夜雨聲歸飛梁上燕毛羽一身輕

颯颯

颯颯西風旅雁過佳期歲月兩蹉跎赤簫聲裏三更月綠
酒尊前一曲歌別後幾曾通好夢見時未許託微波沈郎
縱不吟詩瘦可奈無端六憶何

過西峯草堂看黃葉賦贈

君今萬卷自堆胸學稼何須問老農當戶水深八九尺隔
城山出兩三峯隱居志似陶宏景醉卧身同阮嗣宗不必
邀朋吟敗葉定交願比後凋松

漠南

漠南斜路落紅曛風疊沙紋作水紋去日野花猶爛漫歸
時病葉亂紛紛老蛇升樹纏虬幹孤雁摩天負鶴羣尙在

秦關千里外故鄉音信杳難聞

歸至中途復有北行之役因賦

夜見旄頭閃閃明羽書烽火亂縱橫孤身方就南歸計半
路重登北去程倦數客途嫌馬慢寒添風力壓裘輕迂儒
敢道從軍苦從古高陽有酈生

無題

寂寞重門裏徘徊小院中一朝歌子夜三月老春風夢爲
愁多亂詩因思苦工鶻知無限恨花自不勝紅久別腸應
結遙憐心亦同非關泉下路豈是月中宮生死能相見仙
凡尙可通如何歸白閣咫尺勝蒼穹

春郊晚眺

長隄一望夕陽斜芳樹枝枝待暮鴉西嶺生雲將作雨春

風無力不飛花嬌鶯細囀留清晝孤鶩徐飛帶晚霞野客
獨扶藜杖過柳陰深處覓漁家

寄顧卓

千里書來春色明江南江北動離情別時折盡橋邊柳又
見條條葉葉生
追封簡親王福存鄭獻親王濟爾哈朗孫原襲貝子以
子德沛襲爵追封有云爾吟詩集

過盤山古刹

翠微幽遠處樵徑接雲門澗草自霜色崖花餘雪痕山空
人語寂樹密鳥聲繁欲訪峨眉老無由倩野猿

秋日過石景山

孤峯高插碧雲天澗水無聲入小川兩岸蘆花搖白雪滿

溪松子落寒煙哀猿何事臨風急老衲無心倚石眠嗟我
塵緣猶未了馬蹏閒踏自年年

貝子吞珠字拙齋晚號髯翁饒餘敏親王阿敏泰曾孫
襲鎮國公官禮部尚書卒贈貝子諡恪敏有花嶼讀

書堂小橐

紅蘭主人曰清曠閒肆讀之令人神
遠張敦復曰根柢忠孝準則風騷
詩話恪敏貝子爲太祖曾孫工書爲
有木南莊在東便門外二間河邊高雲上人懷舊詩
所謂水南莊上有髯
公卽爲貝子詠也

三忠祠

萋萋河畔草黯黯城頭日居民莽牢落荒祠迴獨出螻蛄
冑戶青蟲屢繡苔碧往嘗讀遺傳三公事如一茅廬三顧
恩鞠躬許漢室凜凜出師表經綸邈無匹西風五丈原嘔

血千秋泣何知廣漢兒曲筆肆評隲宋趙當南遷國勢已
潛坼志在抵黃龍痛爲奸檜抑金牌銷壯心功成旋復失
吁嗟文文山艱危存社稷一蹶興國軍再躋五坡役被執
抗不回從容成大節砥柱障狂瀾汗青耿赫奕正氣天壤
間三峯高率律我來瞻廟貌慷慨仰前哲河水流湯湯秋
風鳴瑟瑟鄙彼二心臣經過應戰慄

集海棠院送梅耦長南歸分得春字

古寺白日麗東風吹蹶輪川紅澹顏色落砌痕猶新羣賢
會高座送客兼送春春旣不我留客復追紅塵梅君都官
裔卓落洵絕倫詩得敬亭秀心焉願卜鄰今日離歌發三
疊爲傷神鶯啼綠楊枝蝶戀芳草茵長途遠千里橐囊仍
羞貧停鞭斜陽裏覓句應懷人歸及宛溪綠好奇雙文鱗

登澄海樓次韻

憑欄一望天連海，海風來自扶桑外。
長波萬頃蕩瑠璃，鰲斷山摧動澎湃。
危樓足下生動搖，目眩倏忽飛洪濤。
雲譎波詭浩無際，岑巖點綴如秋毫。
斗然煙靄衆峯失，淼瀾一氣晴光溢。
東流直下析木津，南注還歸沃焦窟。
細縕造物初，此源無時無始信。
齊州煙九點，蒙籠八柱青天扶。法法汨汨朝還暮，滄海桑田知幾度。
而今試問采珠人，此中果否鮫人住。

游則靈潭

巉岉紆鳥道，飛瀑碧潭懸。
嵐影孤城外，松風古寺前。
神龍留壞穴，綠樹駐晴煙。
削壁誰題識，游蹤不記年。

山海關

明耶余言圖卷一
六
萬堞蒼茫橫渤海羣峯環抱拱神州松濤乍撼金城動蜃
氣遙連紫塞浮險關雄關增壯勢寒侵細草入邊愁當年
百戰分爭地何幸昇平翠輦游

凱旋入獨石口

獨石城邊暮靄封馬嘶猶識去時蹤出關屈指纔三月踏
破雲山幾萬重

輔國公德普字子元一字脩菴號香松道人鄭獻親王
濟爾哈朗曾孫襲輔國公官宗人府右宗人有主善
齋詩集

題唐子畏匡山讀書圖

有客示我匡山圖萬山深處人讀書丹青滿眼生氣逼誰
畫此者唐六如曾聞茲山秀巖壑襟帶江湖控衡霍長林

絕地生風霆飛瀑垂天挂簾箔谷窳雲翳相吐吞藤蘿爲
屋松爲門青冥無梯勢突兀探幽到此心神昏五老峯高
人絕跡三峽橋危心膽裂閒招白鶴瞰神龍深澗疑存太
古雪詠茅選勝構書堂牙籤玉軸紛琳琅無人喚起李太
白惜哉頭白方徜徉披圖諦玩經營意慘淡霜毫無董巨
平生賸有山水情頗愛讀書無此處

秋夜

病葉蕭蕭下閒門掃更封虛窗銜落月殘夢帶疏鐘咽露
蛩吟砌巢雲鶴在松隔江秋色晚相憶有芙蓉

良鄉道中

桑乾曉渡水東流攬轡平生好遠游塔映遙紅撐落日山
添空翠入殘秋張華宅畔書籤冷樂毅墳邊藓碣留茅舍

當壚能喚客金貂買醉不須愁

途中作

目盡盤山樹天邊雁數行客心愁歲暮風雪過漁陽

平敏郡王福彭克勤郡王岳託五世孫

詩話平敏郡王以雍正十一年授定邊大將軍將兵駐烏里雅蘇臺進次科布多討噶爾丹策凌十三年更代還雪後詩有勛將士語正軍中作也文穎錄盛京四律氣象恢廓足以稱題

雪後

君不見圓者爲圭方者璧漫漫無際粘天白旌旗卷凍龍
蛇飛列騎嘶寒蛸毛磔又不見鐵衣戛戛裹層冰冰絲萬
縷鬚眉凝荷及永夜不敢寐雪山有急三軍登吁嗟紫塞
走封豕聖人用兵不得已憂勞不倦宵旰心十萬貔貅皆
赤子勉旃將士殲犬戎投戈早晚奏膚功歸而飲至朝陽

宮九州衣被春融融

追封莊親王弘普莊恪親王允祿子初封鎮國公卒封
世子諡恭勤子永瑞襲爵追封

喜雨

連朝苦炎蒸欲避渾無策戶牖來溫風倍覺曦光赫散髮
揮素紈汗流時浹脊雪藕復調冰煩襟猶未滌倏睹油然
生片片遙峯擘殷殷雷作聲溼雲塞空窄沾漑頃刻間神
膏發地脈草木自精神物我皆調適衢路淨纖塵池塘漲
澄碧溝澮旣已盈平陸俱盈尺行看潤秋田且喜蘇麩麥
農人擊壤歌負耒振襁褓市廛及道路相與手加額我時
抱疲疴披襟脫然釋當此清涼境游屐欣可卽好看雨後
山慰我耽詩癖朗吟頌豐年披襟暑無迹

明時集言四卷一

怡僖親王弘曉號冰玉道人怡賢親王允祥子有明善

堂集

紫瓊道人明善堂集序曰兄子冰玉少穎悟長好學不倦其言語文章自能發揮所得彬彬乎有法度可觀

射虎行

山深圍廣路阨塞鬱蔥林木高百尺人馬橫袞雁翅排嵐
氣迎眸寒威逼仰看衆岫羅如星層顛俯視曦輪升合圍
未畢方前進忽聞一陣寒風腥縱目遙看咸住步言是山
君當歧路掉尾張牙正負隅馬怯人驚面相顧猛獸不除
人必殘獵士鼓勇如林攢相持搏擊兩不讓巖頭立馬真
奇觀我皇親自率禁旅一箭橫胸洞肺腑從茲惡劣得翦
除扈從諸臣齊蹈舞昔聞射虎但耳聞何似隨鑿目見真

聖君神武本天縱盛事應當記史臣

宿密雲

駐馬神皋近寒鴉噪戍樓夕陽含嶺色宿雨亂溪流野寺
疏鐘動荒郊夜柝浮言歸幽興發萸菊正清秋

至普覺寺同明上人話禪

偶訪招提境西風落葉稀溪聲穿石走山勢逐雲飛暇日
尋初地宗風闡道機暫時幽賞處暮色映禪扉

重陽後二日登東園大山

登高何必是重陽上得山頭楓葉黃鵲噪寒林穿別圃雁
飛碧落到遐方已無蛩語成秋響祇有蘆花作雪揚縱目
遙觀自空闊遠峯夕照入微茫

冬日園居卽事次韻

木落山頭一望空滿天寒意起西風蕭疏最是池邊柳數
點寒鴉夕照中

行到溪頭塵事無天邊時聽雁聲孤西山雲冷將飛雪又
是天成一畫圖

甯良郡王弘皎怡賢親王允祥子

送過亭先生秉鐸雞澤

如此才名古不如卅年躑躅困鹽車可堪秋雨秋風後黃
葉空山自著書

輔國公弘曠號思敬理密親王允祜子官宗人府右宗
人諡恪僖有石琴草堂集

石琴篇

我生兩耳厭竹肉高山流水愛結鍾期盟閒取龍門百尺

之柄斲綠綺朝回解帶便向書堂橫朝來有客貽我一片
石渾淪太璞含元音琴材完足未磨刮徑倩妙手龍脣鳳
翮一一雕鏤成調絃案譜叶宮羽依稀絕壑千樹萬樹松
風清始知中郎焦尾疑附會爨餘安得春雷鳴浪傳逸響
匹柯笛無乃秋柳啼寒鶯何如蔥翠玲瓏鑿山骨意外突
出新經營願攜此琴恭進拊石曲瓦缶竊和南薰聲

過賈閬仙墓

荒塚斜陽歷古今池邊樹噪夜栖禽年前親詠僧敲月身
後徒勞佛鑄金東野不來誰酌酒昌黎長逝罕知音石樓
舊詠流傳久歎息無人解細吟

原封貝子弘昨號瑤華道人誠恪親王允祕子初封鎮
國將軍進貝子降奉恩將軍有醉墨軒存橐瑤華道

明詩集卷一

人詩鈔

詩話瑤華道人精繪事山水花木兼擅其勝高宗御題以紫瓊爲比至今縑楮流傳聲價猶與相埒詩視紫瓊微若不逮然烏衣風度閒雅雍容固亦宗漢之雋也

曉行

曉行及遠道秋風吹我衣疏星散平夜寒溜流前溪初日升東山晨光忽熹微景在未曙佳萬象紛迷離此際有真趣心閒身亦宜舉目送飛鴻飄然生遠思

月下過南天門至古北口

秋宵殘月風蕭蕭溪路紆曲山岩巽蒼茫恍入白雲去一徑直躡天門遙駿馬崎嶇互高下雄關睥睨干雲霄顧我頻年歷長道壯懷洒洒秋雲高惟有清寒助吟興仰看突兀心迢遙有時下馬發長嘯日月迴薄山動搖天都直上

果可到好瞻北極趨晨朝徒倚翻思塵世苦身爲形役徒
奔勞卻忘身卽在塵世誰見匹練流寒潮

耳聾詩爲劉延清相公作

醫聾卻說聾難醫公年七十聽已遲歸根夙慧空五蘊問
誰更笑阿翁癡兜元國中路識否雷鳴蟻鬪常紛歧公今
身歷耳聾狀告余妙理徵新詩初如聞秋蟬纏緜斷續鳴
高枝復如風濤走大塊噫氣轟相吹無弦之琴悒悒默默
何所思脫底之桶外視不改中已離楚然足音至窗下槃
姍勃率但詫花瓢之影紛襪襪客來晤面首方側言猶未
及衰如先神怡清歌妙舞彷彿知雅意但見彩袖翩翩爛
熳風前披惟公丰采自不賸矯矯海鶴爭清姿芸然羣動
息方寸大扣小扣泛爾肆應無纖遺台鼎贊謨略黃閣調

晚晴雜詩圖卷一
二
綸絲西園東壁掌樞要總持百揆清慈庶獄臻咸熙乃知
所謂異人者手口眼耳能兼資瑣屑外物詎爲累不聳於
心心爲師明目達聰上正賴規圓矩方公自持君不見漢
相張蒼登百歲年年社酒應莫辭

題蘿村圖

漢軍李處士解組買山早庫使一官微山人八旗少心折
風雅宗爵視王公藐誅茅結軒廬氣直凌三島儒緇相往
來金紫艱謁造道人上陵歸車騎爲紆道翦韭烹魚餘揮
毫甯草草人因圖益傳事藉詩而表畿輔東州偏巖壑田
盤好當年多隱流幽棲各奇抱耕讀嗜靜便終南非捷巧
雖乏經濟儲頗挾詩書飽肯蹈晉代狂全叨盛時保披卷
憶舊游松關夢常繞欲弔豸峯青蘿薜煙霞老惟看野寺

僧敗葉石間掃平生鑒賞偏藏弄逾獲寶小記代說郭或
助山林考

朝鮮陪使鴻臚官洪仁福以其國詩人繡寰居士所
作詩一章來獻并求予書觀其詩效選體亦稍可

誦用韻書付

東瀛春水綠極目飛鴻多欲訪騎鯨客空中聞嘯歌梅花
裝束好披雲或來過海月明珊瑚亭珥照瑤波紫泥浴瓊
袂神曜相盪磨俯視幾點煙茫茫游無何

綠陰野屋前海棠二株栽三年矣適值盛開喜而成

詠

麻姑忽款蔡經扉翦翦明霞護彩衣夢裏雲深誰喚起枝
頭春老漫催歸頓教林屋生華潤那許丹青品瘦肥亭愜

素心軒待月何嘗聚散與心違

康修親王崇安號友竹道人禮烈親王代善四世孫有

友竹軒集

歸化城偶成

霜落金天草木秋平沙一望戰雲收黑河流盡千年恨青
冢埋將萬古愁寶燾不因除寇見天兵豈爲避寒留先聲
到處羣兇遁耀德由來是遠謀

原封輔國公恒仁字育萬一字月山英親王阿濟格四

世孫初襲封旋罷有月山詩集

沈歸愚曰乾隆甲子歲月山以韻語來學授以唐詩
正聲造詣日進吐屬皆山水清音沈椒園曰生以
戊午三月來學孫府丞灝與予同官翰林董學士見
生恂恂儒者讀其所爲詩間與評騭今古學博而思
深淵淵乎有所得而其志遠其心虛殆深窺造物者
之無盡藏將饜飮而自得之者無何以嘗受封例不

得留學垂涕而出家居學益勤時時就予論詩
其詩清微樸老克具古人風格足傳於後無疑
詩話月山初襲輔國公以不應襲爵僅十有一月在學止二
以嘗襲爵爲例所格蓋襲爵僅十有一月在學止二
十餘日數奇不偶悒悒於表卒年三十有五嘗論宗
人詩當以子晉爲第一紅蘭問亭皆不及也子晉詩
數變尤愛其少壯時作清新俊逸具體古人有月山
詩話一卷附集後吳泉之侍郎輯刻藝海珠塵並見
錄

感物次薰之韻

幽人澹無營擁書坐茅屋長日不停吟短夕猶勤讀一鐙
耿虛幌載籍恣游目未惜蜡成灰從教煙似燾移時微涼
生稍覺夜氣撲流螢入戶飛棲鳥依枝宿動定雖異情游
止愜所欲何來拂燈蛾捐軀赴炎燠豈欲資氣焰蹈火恐
不速吟君感物詩令我三歎服

盤泉

山行聞水聲時作隔林響問人知泉名穿雲事幽訪溪中
瞭甲石數丈平且敞涓涓新溜瀉勢若長川潏清聽滌煩
襟臨觀聊倚杖卽事欲賦詩佳句墮渺莽清泉石上流初
月波中上此景不易得吾將夜中往

和韓秋懷詩

驅車東郊道黍稷何蕤蕤秋來風雨時穎達方靡已歲功
雖未收農歡已在耳停驂暫借問野老見客起夏旱縈聖
心殷憂禹湯似郊野得沛澤至誠良可恃行觀晚稼登玉
粒走萬軌飢歲逢有秋豈獨農人喜

庭草秋始芽未霜旋復悴幸逃耘鋤厄託根雨露地霑潤
旣已渥怒生頗自恣易發還先萎常理豈有異人生無百
年不朽以爲貴

於耳絕絲簧在目無韶曼病喜蘇秋風歸非戀菰飯閒居
二十載未負平生願愛此清商候不作蕭瑟歎飲酒爵止
三觀書卷盈萬幽事自可娛至樂將誰獻優哉復游哉無
求亦無怨

我心一何潔清冷如冬凌我足亦何蹇癡鈍如寒蠅潔既
污莫合蹇亦捷所憎田園聊自息攀林坐石稜鳥倦常依
樹魚潛不窺層杜門不復出清時養無能

白雲映空流獨鶴帶露警候變知節逝漏長識夜永乘興
自斟酌酒酣氣益猛防身有長劍利物乏修綆清秋信可
樂豐歲竊獨幸飽食終吾年世事盡可屏衆星羅天垣明
月皎夜景月出星斂芒月入星吐罔浮雲從何來憑虛忽
作梗上下恣蔽虧東西互馳騁我欲力排之天高末由請

有客過我廬論詩至日暗趣同調自合辨析兩無憾漢魏
難仰企梁陳敢俯瞰盧駱矜富麗王韋造平淡李杜集大
成齊名匪忝濫錢劉格稍降流覽亦許暫韓公力最雄奔
舟不可纜寒瘦詎爲辜輕俗宜免勘子瞻如可作罰之飲
一甌

有子日卓立七歲賦高軒坐使父執敬不隨羣兒奔大母
夙鍾愛朝夕侍笑言稱觴拜我後戲綵舞我前束髮就家
塾發憤嘗忘餐讀書滿數篋有作成一編前年忽天折思
之痛萬千秋風感我心竟夕聲悲酸汝弟始扶牀是時方
熟眠縱復能成立遲汝十一年

泛舟城東水酒清殺復乾十里鋪鏡面清瑤映明珩主人
勸客飲列坐鼎足團興酣各賦詩一字期吟安鳴蛙喧遠

岸游魚吹細瀾笑指能言鴨王孫慎金丸清游難屢得明
晨理歸鞍

肅肅飛鴻羽唧唧吟蛩聲哀音良夜發側耳最分明黃葵
生北牖獨抱傾陽誠白日未及照冷露皓已盈商飈入庭
樹錚若萬甲兵性定齊慘樂心空忘衰榮寄言悲愁客勿
爲秋所令

中秋日以近月色日以好開尊招親舊歡賞恐不早圓虧
各有時晴明焉常保撫松羨後凋攀柳知先槁人生行樂
耳此語吾解道

風摧庭菊殆盡用少陵茅屋爲秋風所破歌韻

東窗日白林鴉號居士偃卧三間茅有如瘦馬嘶寒郊忽
驚撼屋風蕭梢波濤萬頃翻檐坳南箕簸揚不遺力荒園

草木遭戕賊起視槐柳餘空株竹枝摧折救不得就中芳
菊可痛惜籬邊狼籍無顏色黃花慘淡葉深黑直疑風伯
心似鐵麤豪不惜風景裂秋深暫知陰用事姑緩數日亦
佳絕菊本後凋乃先萎含情欲訴無由徹我爲移植盆盎
間手汲新泉洗凍顏置之案側傍硯山嗚呼菊兮託根幸
在幽人屋一任戶外狂飈三日足

枯柳歎

閒清堂畔柳枝新昔年長條低拂塵天桃穠李各鬪豔此
樹孃孃偏依人豈知中路顏色改根株半死當青春草堂
無色感杜甫枯櫟病柏同悲辛婆娑生意幾略盡穿穴蟲
蟻難完神一枝旁抽獨娟好亦有狂絮飛來頻人生甯無
金城感過情悲喜傷吾真且把酒杯酌木本榮枯過眼安

足論

松樹峪

我來松樹峪疑是杏花村
沃壤春耕雨孤峯舊閉門
當階紅藥放躍沼紫鱗
翻更想幽尋去攜筇上古原

玉泉禪院

道人種松罷傍水開禪
關春風吹不到白雲相與閒
偶尋林外約引我過前山
倚杖看奇石徘徊殊未還

蟬

夏木千章暗高樓噪夕暉
清音宜遠聽莫向近枝飛

晚晴移詩匯卷七終

前得...

...

...

...

...

...

...

...

...

...

...

...

...

晚晴籀詩匯卷八目錄

輔國公永璫 一首

追封禮親王永憲 十一首

鄭恭親王濟哈納 二首

睿恪親王如松 三首

貝勒奕繪 一首

瑞敏郡王奕誌 四首

鎮國公奕詢 六首

鄭慎親王烏爾恭阿 十九首

睿恭親王溥穎 二首

原封輔國公裕瑞 一首

輔國公晉昌 一首

原封輔國公禧恩 一首

定敏親王載銓 四首

貝勒載徵 一首

貝勒載澄 二首

肅忠親王善耆 三首

貝勒毓朗 五首

貞婦詩一首

淑惠嫁王善善一首

寶婚嫁王恭錄一首

貞婦詩一首

輔國公晉昌一首

貞婦詩一首

睿恭嫁王富錄一首

貞婦詩一首

嚴國公奕端一首

淑惠嫁王富爾恭一首

貞婦詩一首

淑惠嫁王奕恭一首

淑恭嫁王晉合錄一首

淑惠嫁王取公一首

輔國公承顯一首

淑惠嫁王承顯一首

聖訓錄精細卷八目錄

晚晴移詩匯卷八

徐世昌

輔國公永璫字文玉一字益齋號素菊道人理密親王
允祜孫襲封有清訓堂集

西甘澗

步下萬松寺山徑落斜曛路逢山中樵導我西澗濱
逶迤四五里始及藏山門晚霞雲半赤寒巖楓柏丹
古寺餘老屋山僧鬢已斑攜手看生壙壙銘名輩
全撰文李焦明書丹陳景元告歸轉西偏高寄亭足
觀略如倪迂畫返照疏林間相期春正月重來看
雪山

追封禮親王永憲字嵩山禮烈親王代善五世孫以子
麟趾襲禮親王追封有神清室詩藁

詩話嵩山將軍詩以疏朗勝生當盛時身為公族而
鬱勃常有士不遇之感汲修主人校刻遺藁而為之
跋稱其詩生氣空湧不煩修飾彌益老蒼兼法唐宋
而於杜蘇兩大家得力尤深熙朝雅頌集采題畫松
五絕句為藁外逸詩其三曰落盡繁英我有春竹梅
堪結歲寒鄰疾風勁草尤難偃况是亭亭百尺身其
四曰不畏塵寰冷眼看參天翠色逼人寒名園車馬
紛如織昨夜春風綻牡丹懷才嫉俗兀傲不羣可以
得其大凡矣

覽鏡見白髭有感

自嗟蒲柳姿逢秋易搖落覽鏡見白髭朱顏不如昨十五
二十時英氣飛磅礴仗劍期萬里甯甘老林壑酒酣耳熱
時盤空見秋鶚更過十七年翻成垂翅鶴皤然已二毛屈
曲同尺蠖室人交徧謫路人亦訕謔囊橐黃金空一錢自
羞作達者重炎涼貧者重然諾所以郭恕先甘心友臧獲
除夕感懷兼憶起潛雲汀柳村諸同人用東坡韻

雙鬢漸生皤歡情已減半年華不少留中宵發浩歎功業
似虛花詩書餘清玩骨肉欣團聚朋輩驚萍散紙窗竹屋
閒燈火青熒伴今歲云暮矣明朝又新旦豹變豈敢期鼠
跡喜盈案風欺梅影頽雪壓松梢亂平生抱懶癖常復忘
櫛盥爭先謝躡捷退步希迂緩羞澀愧空囊充篋誰朽貫
激烈丈夫勇睥睨兒女懦與俗多參商處世忘冰炭廬山
勝終南招隱何須館冬盡剩餘寒春早得輕暝樂聖一銜
杯對影忽成粲

冒雪行贈樗仙

天風夜捲陰山雲吹向長空散寒玉紛紛亂翦白龍鱗俄
頃萬里皆平陸崎嶇道路成坦途飢烏凍雀相追逐馬滑
躑躅不敢行冰挂鬚眉肌生粟重裘凜冽冷如鐵衝寒手

足成斲瘵村醪酒薄不能醉暫避霜威棲茅屋欣觀十丈
白峨峨岨西一峰天外矗忽憶故人久契闊扁舟擬造剡
溪宿知君挂冠應未穩苦吟正對階前竹憶昨鐙下豁醉
眸陽春佳句好三復君詩亦如岨西峰傲骨峻嶒抱幽獨
郢歌今日和瓊瑤園林松石清如沐

擣衣篇

星河耿耿露零零碧落光搖六合清萬籟蕭條入夜寂干
家斷續起碓聲碓聲淒絕如含怨征戍十年不相見歲月
空嗟西逝烏柔情問徧南來雁欲憑旅雁慰閒愁翻使離
懷難卒休長向蘭閨同跨鳳何須雞塞覓封侯此時落葉
紛如雨此際蛩吟傍窗戶唧唧頻添思婦悲淒淒學助愁
人語鐵馬縱錚霜露涼不須機裏織流黃好將一片堅心

石擣盡長安明月光月華今古不常滿三五充盈二八割
欲因明月託幽懷我心匪石安能轉願將身心化石堅立
向山頭望遠天任他日日風和雨望斷關山年復年閒庭
翻作藍橋驛空持玉杵成何益不見裴航返玉京自擣元
霜度朝夕夜如何其參欲橫結璘應伴守孤煢捲衣入戶
理殘夢夢向金微不隔程

和樗仙題畫扇原韻

土木形骸惟恃酒玉山頽唐妍不醜生平未得步兵厨死
時願獲陶家取君昔不喜捲白波近來始解親紅友醉墨
香流煙月融新辭氣壓蛟龍吼嗟予壯懷久銷鑠漸見垂
楊欲生肘脫魚甯復戀故淵逐鹿愧乏捷足走半世無成
學種梅今春無花心自忸感君爲寫隴頭春宇宙經綸在

君手

臞仙寫梅梅似火道人遊戲朱門可樗仙寫梅梅似冰心
已成灰身未果愧我癡長與二君糠粃在前任揚簸搔頭
不作李固姿簪花欲學升菴禪日對梅花銜酒卮醉中聊
以全真我庾嶺爭傳開萬樹孤山自愧無一朵暫借君家
寫生手摹取一枝似方頗挂冠已瞻君在前種梅今又輸
君左

題松崖披卷圖

虬松落落十丈長吐吞寒月流清光吾宗幼與世罕比一
邱一壑獨擅場手把書卷遮俗眼懶看世事浮雲忙憶昨
醉踏霜華涼同踞片石談羲皇翩然雲際絕塵鶴喜我追
隨同翱翔知君與我皆酒狂握手意氣傾肝腸時有濤聲

間清話寒風謾謾吹衣裳坐久參橫松倒影歸扶殘醉天
街冷披圖風雨撼吟窗神飛已入徂徠境

丙戌秋杪余手釀橘酒丁亥夏日以惠敬亭敬亭見
酬以詩因賦此奉答

記得秋林橘柚黃糟牀手釀碧雲漿澆書應許同中聖蠲
渴還將慰老羌半榼晴涵雲夢月一樽香帶洞庭霜五湖
多少煙波興欲共尊羹一味涼

中秋後二日同臞仙敬亭游帶水山莊馬氏園分韻
得忙字

田翁恰恰罷農忙冷宦同游帶水莊萬里西風吹落木一
行歸雁帶斜陽泊舟乘興依煙柳驅馬辭秋入帝鄉憶得
二君清夢好定隨明月落湖湘

田園雜興

幽人水竹自相宜
茅屋柴扉護短籬
萬頃綠莎平似掌
一犁春雨杏花時

倚杖衡門暮景幽
東皋嘯罷俯清流
斜陽影在千山外
薄暮人歸欲飯牛

鄭恭親王濟哈納號清修道人鄭獻親王濟爾哈朗五世孫有清修室稟

行路

駢駢于役路難行
竟日纔能計二程
野寺荒雞曉月影
寒林驄馬踏冰聲
風嘗透骨重裘薄
山不經心熟徑生
何事崎嶇嗟蜀道
從來游子自多情

秋晚

雲山何處望神州，獨坐高窗俯碧流。
野寺鐘聲斜照裏，荒村煙火小溪頭。
晚風冉冉侵藤榻，邊樹蕭蕭隔戍樓。
客夢今宵應未穩，一輪新月到簾鉤。

睿恪親王如松號素心道人睿忠親王多爾袞五世孫
言更追封睿親王有怡情書室詩鈔

石門道上作
正月石門道風梳四野雲，水光冰間斷山翠。
雪平分遠燒明林麓，寒吹失夕曛垂鞭。
囑花柳不日自芳芬。

燕郊道中雨後作

入秋氣已清，馬上事東行。
蔓草垂牆溼，歸雲截樹平。
雨停沙溜淺，風定野蟬鳴。
欵乃聲聲慢，漁舟箇箇輕。

潞河泛舟

秋空雁影碧天高一艇西風水半篙深柳蟬聲鳴斷續蓼花紅處識東臬

貝勒奕繪字子章號幻園又號太素道人榮純親王永

琪孫

詩話幻園斐然著述才嘗撰子章子未刻行側室顧春太清雅善詩詞嘗相酬唱極閨門之樂

題高郵王寬甫敬之小言集

令兄司空古君子弱不勝衣學有以六書詁訓舊家傳自言更有能詩弟使還有約相繼來律中蕤賓諧宮徵書巢近作有精妙老更成能何所似蘭蕙叢生山之阿江漢滔滔濯秋水我讀先生漫筆作孤芳狷潔離塵世又讀先生水來謠高歌慷慨思經濟紛紛俗子何足云茫茫古人呼不起東山有客狂且癡未識君面見君詩知君亦是栖栖

者何日相逢把酒卮

瑞敏郡王奕誌號西園主人瑞懷親王綿忻子有樂循

理齋詩集

詩話西園主人早歲工詩其薨年未三十有賦懷王
手植竹云再拜竹下稱孤兒他年對竹兒不知今知
竹本先王遺竹亦似感孤兒悲君不見風吹竹聲如
太息且喜孤兒能學殖符葆森南樵稱其性情沈厚
幾於一字
一淚信然

題雙鷹圖

寒風灑浙秋天高蒼鷹突起相游翺昂首決背奮雄怒金
鈴雙繫紅絲縹一張鐵爪立喬木一閃霜翅飛清皋草枯
眼疾若流矢荒原狡獸紛難逃由來畫鷹如畫虎不知畫
骨惟畫羽星眸雪距非精神雨血風毛徒朽腐昔蒙殊恩
賜此禽軒楹繫處添蕭森急倩妙工爲寫照神光落紙翔

暇日高懸粉壁上窗前側目如凝望真鷹畫鷹兩不
分壁上楹間屹相向方今捍禦思英才奮擊障霧晴霄開
威行定掃狐兔窟功成孰畫麒麟臺觀此奇姿輒神往恰
對中庭秋日朗錦韞寶玦攜僕姑聲落寒空向林莽

招仙曲

空同之山高崔嵬玉爲樓闕金銀臺千年琪樹常不摧靈
芝叢長如蒿萊中有人兮顏如孩我欲從之隔塵埃寒漿
甘冽初發酷斟以瓊玉流霞杯仙不降兮情屢猜真宰上
訴天門開鸞車鶴駕紛徘徊青童玉女相追陪仙人手持
絳節來足底日月雙輪回風驅六萌聲如雷仙人向我笑
且哀不見茂陵土一坏叵耐風骨非仙才

池邊晚眺

一雨涼如沐林亭綠四圍偶憑孤石坐閒指亂雲歸水色
清浮簞山光翠上衣吟詩何處好散步趁斜暉

秋日懷笠耕先生

又報霜前朔雁來懷人望遠獨登臺蕭蕭木葉寒風下漠
漠秋山返照開萬里班超頭已白幾時博望使重迴關河
迢遞雙魚杳極目停雲濁酒杯

鎮國公奕詢號惜陰主人又號栖心室主人惠端親王
綿愉第四子有偁月齋詩集

詩話主人盛年篤學而清羸善病詩多悒鬱語如病
中擬古云大鵬異凡鳥夙抱干霄思卻緣羽翼弱未
具凌風翬憶昔云煎熬筋力今消矣馳騁胸懷當躍
然蓋早自知賦年不永故語哀而思深自編詩集跋
有云人事無定萬緣不齊必待風過花飛然後仰恃
他人拜跪於顧俠君之門不亦晚乎其辭尤深切未
幾卽謝世年
僅二十有三

詠史

蘇子卿

天黃草白寒飛雪朔風凜凜肌膚裂獨留遠塞何時還長
安萬里音書絕牧羝羝不乳懷鄉寸心苦一輪寒月照征
人歲月消磨十九春去時少年今老大歸來麟閣衰顏繪
隻身全節何艱難忍死閒關此爲最宋之張邵朱弁洪浩
元之郝文忠多年羈縲異邦土此心此境先後同

文中子

龍門文中子抱道不出仕其徒數十人受學皆正士天之
生才非偶然佐命興國資羣賢一朝天命屬諸李房杜王
魏各興起時王制作煥一新四海羣黎拭目視文中有徒
道不湮唐祚三百基於此

擬古

青青榆柳陰上有千葉垂千葉何蒙密長養薰風吹商飈
飈已至未改舊時姿豈是能耐寒搖落未及時素女報寒
信萬葉俄枯萎徒抱蒼蔚姿獨乏傲霜枝何如松柏堅三
冬冰雪支

幽鳥不擇枝幽花不擇地隨處洩天機自得蕭閒致嘹唳
偏足聽芬芳不須植清聲儘盈耳天香正浮鼻俯仰聊自
吟活潑助詩思物理貴自然人爲乃其次

策杖入深山紆迂蹊徑窄越洞復攀巖副此探幽癖忽見
鶴髮人相窺自林隙兀坐木石間手畫先天易舉步欲相
就荆榛礙行屐迂迴路幾條相距已咫尺邱壑猶宛然其
人乃白石仙踪何杳矣對此空悵惜回首暮煙凝林深日

已具

晴日眾卉鮮芬芳滿庭院穠豔奪天工
枝枝競蔥蒨暇日偶游觀吟時每忘倦
看罷坐幽齋惜芳心尙戀移根植盆
盎原期憑攬便孰意几案間風露難周徧
灌注恃汲泉憔悴可立見殷勤費栽培
人意豈非善百卉惡拂情讀讀郭駢傳

鄭愼親王烏爾恭阿號石琴主人鄭獻親王濟爾哈朗

六世孫有石琴室彙易水往還彙

詩話鄭瑯園林最盛嘯亭雜錄謂當儀王時出羨祿
爲之及石琴主人紹封矩徑規田重加葺治與名士
大夫觴詠其間詩用宋法以清折幽雋爲尙不墮恆
蹊其賦紙鴛答者英介春云撒手能飛去先過閣與
臺握中絲努力空際羽輪才語兼諷勉又詠秋蟬云
道旁糞土高於屋來年轉九百倍足之蟲之技何辛
勤豈得長留一樹綠詠秋蜂云請看蠶尾當其窮脫
穎肆毒同類中樹間相螫飄墮地下有羣蟻方邀功

尤顯有所指特今不知其刺何人其後王子肅順西
亭枯才擅政牽及家督同蹈大僂蓋卽詩中所謂走
塾懷書二小男者
主人其有餘恫矣

喜得唐子西硯周澗東孝廉檢示貴耳集賦謝

孔云友多聞澗東我益友告以古硯銘貴耳集載久北宋
唐子西篆刻俱名手賴君學淵源賦詩傳不朽喜極忘效
顰犯曉詩筒走舊蓄宣和鸚歛石頗不醜兩硯都非常或
有鬼神守暇當就我看無歸飲我酒食肉亦何俗杯盤羅
菘韭雄談受益多循循猶善誘昨許鑄一行高朋能運肘
爲篆石琴藏嘉慶歲丁丑

卧久

卧久念不息閉目未能寐毒蛇在心頭盤結欲成淚淚滴
拭無痕不如化爲字筆墨前効靈紙硯董其事起坐將有

言鐙花紅一穗又覓鐙翦挑忽吾心手累所累方無涯有
爲亦皆僞人生祇百年我願作遊戲善且無近名禍亦未
全避彼此一是非胡不辭以醉處世本大難隨分自忘易
破感書數行燭移卻沈睡

除草

自春積雨來茸茸徧屋瓦雖輸蓬與蒿其類未云寡赤日
曝不焦薰風故相惹託根勢何高滋蔓稍遜下碧蘚相因
緣白雨未漏瀉新秋當翦茅手指費擗捨試看鴛鴦間容
此芻蕘者委積滿階墀擔負棄原野乃覺心目清坐對檐
楹雅更語屋上人掃除莫苟且

九月十日夜望雲月偶書此數語

黑雲狀如獸片月來點睛雖云巧相合望去如畫成少焉

月相左雲亦枝葉生流光本無礙空際惟孤明我妄當在
目因目咸可名正恐所見濁兼慮滄太清難將須臾影試
語終身盲夜深月猶落雲斂天更晴此景已陳跡戲論誰
當評

易水道中

山色與目習水聲惟耳戀經年一往還了無異聞見衰顏
朝夕催長途筋力倦况茲清明節微雨柳初變道旁何人
墓高低懸紙徧長眠雖爾輸短晷從我銜昨經賈島祠推
敲句猶羨聊復馬上吟來賡里中諺暮投村隴宿聚觀山
村彥互有邱壑心莫哂風塵面

義犬塔

天下犬死棄乃常此犬有塔官道旁惜無片石述其義後

世乃為諸犬光顛頊盤瓠汝始祖黃耳亦汝大父行次者
狷狷不足數縱使續貂羞與附我聞易水來往人盡識山
間義犬墓何年何氏畜守闔天使不語能報恩如是精靈
未可滅繞山逐散妖狐魂村中羣犬鳴相聞彷彿有聲來
白雲

種芍藥

豐臺居人何所作十八村同種芍藥年年此地花繁時淺
紫深紅如繡錯我今移植秋分前草束蒲包入城郭土人
為言花色全叢雖翦短根非弱栽培有法初不繁凍水冬
來須如約預為花計我何樂惟願花開斗相若招邀故舊
暮春集羅列樽疊花畔酌不堪持贈留常看豈慕詩人笑
相謔要知花鳥皆友于請看園圃即邱壑莫辭短徑灌漑

勤來春爛漫猶可度城西國花舊有堂牡丹盛開紅千萼
城中誰與殿春風晉花爲相殊不惡

再游水溝巖老君堂

鳥道盤盤險攀援步履勞林空疑卧虎壁絕羨飛猱細水
經千折羣峰競一高琳宮明季建大半沒蓬蒿
居此若天上山中閒道人不求鸞作馭頗與鬼爲鄰掘樹
供燒炭尋苗試煮銀西巖峰似指勢欲撼星辰

黃石齋禊序硯

此硯今應惜斯人正不阿豺狼侵道路矛戟盜山河歲紀
明嘉靖書臨晉永和豈知當末造彈劾五陵多

乞假十日日課一詩興到吟成不計工拙雖數莖拈
斷亦養疴之一術也

我憶潭溪寺潺湲夢亦清月高松下立雲起石中行采蕨
分嘗美聽鷗獨解醒山僧多慧力藥草盡知名
騎射吾家事諸兒向晚歸窗間拋馬箠壁上挂弓衣洞石
心猶羨穿楊手亦稀難言筋力健來歲及知非
落葉風吹走南榮曝背時倦來書屢墮興到筆教隨招客
評奇畫從人買古碑冬憐寒暑速明日是朝期

觀睿忠親王甲及弓矢

男兒弧矢當如是勲業都憑國史傳西指旌旗收璽日南
來舟楫報書年明臣羞卻金輿迓聖世恩教鐵甲懸生我
偏遲百載後猶思負弩効王前

小寺

余家小寺傾頽久商略田租葺廢廬傍水三椽開甕牖埋

雲一徑入藍輿紅收墮葉斜題字青列羣山坐讀書此後
從人厭還往腹非老諄侶樵漁

易州道中書玉岳道人詩後

豹尾斑斑露畫竿眾中腰箭上征鞍道旁不管東風急得
意桃源立馬看

題諄庵壁

裘葛光陰往復還偷閒仍到翠微間此心那得雲留住又
被泉聲送出山

雨霽山行

團瓢村落互方圓苔蘚斑斑度陌阡野水驟添三宿雨遠
山橫束一圍煙唐時寺廢猶存塔燕地臺荒剩有田堪笑
無人論祀事不知鄒衍是先賢

歐陽文忠公云作詩有三上謂馬上牀上厠上余以爲得句易耳秋來易水之役吟詩輿上用以排悶亦三上之遺意也

熙朝恩澤及枯禪儀仗歸來見往年刺刺老僧談不倦史

家遺事要誰傳

良鄉宏恩寺住僧三覺用儀仗送歸相傳爲明崇禎帝第三子寺

聖祖召見大內

僧每道其事

睿恭親王溥穎睿忠親王多爾袞六世孫有身雲室詩

臺

雨窗漫興

琴書堪慰客中身山館棲遲悟淨因閒啟半窗看暮雨晚

涼新綠最怡人

碧紗窗外午薰微新綠當階草漸肥閒曳紫蕉衫子坐坐

看蝴蝶過牆飛

原封輔國公裕瑞字思元豫通親王多鐸五世孫初封
不入八分輔國公坐事奪爵有清豔堂近稟萋香軒
吟草樊學齋詩集東行吟鈔藩居雜詠

詩話思元主人爲豫通王五世孫通西蕃語謂佛經
皆自唐時流入西藏近日佛藏皆出一本無可校讐
乃取唐古特字譯校以復佛經唐本之舊摹西人地
球謂之鸚鵡地圖癸酉禁門之役方領正黃旗漢軍
副都統坐失察官兵從逆奪爵徙奉大詩往往故作
兀稟語文尤好翻案如謂司馬懿無奪魏志苻堅當
伐晉皆有意立異而實無當也

寂寂

寂寂蕭齋過雨涼感懷無那酒澆腸春前種樹花成雪秋
後歸人鬢已霜夢誤似當臨舊址秋深猶自滯閒鄉古今
此恨多同調幾處青山野薜芳

輔國公晉昌字晉齋號紅梨主人恭親王常甯五世孫
官至盛京將軍有戎旃遣興草

松棚和韻

謾謾松濤聒耳鳴綠窗人靜韻尤清
摩雲有色青千丈掃月無聲翠一棚
涼影半疏還半密柔枝宜雨更宜晴
歲寒不改菁蔥質梅竹相將作晚盟

原封輔國公禧恩字仲蕃睿忠親王多爾袞七世孫官
至協辦大學士戶部尚書諡文莊有粵行草

詩話文莊為睿忠親王七世孫以諸王子授鎮國將軍陟歷臺省道光壬辰被命督師討定江華連州亂
猺論功進爵後坐事降初封旋以久領邦計拜參知政事初出師時太素主人贈以詩其首章曰聞道春
陵未解圍詔傳宮保統戎機百蠻荒服前王德萬里
春風大將旗柱嶺北看花信改湘江南去雁行稀故
園諸弟相思甚破虜功成望
早歸音節高朗明七子遺響

蒲圻

江雲今日倦一驛趁晴光水繞田稜曲風和樹影長人家
在汀岸縣治枕陂塘不慣沮洳徑帆飛羨野航

定敏親王載銓定端親王奕紹子襲定郡王追封親王
有行有恆堂集

詩話定邸嘗賦帝京篇五言排律
二百四十韻頗具昌明博大之觀

夏夜

人靜黃昏夜氣清輕颺薄暮引涼生扶疏夏木翠欲滴深
淺煙光畫不成是時圍林初過雨千樹萬樹新蟬鳴好風
徐捲濃雲去送出團團海月明露重流螢低不起更深夜
久天如水平淺池塘波不興明星遙沒銀河裏披襟獨步
自徘徊隔岸荷香冉冉來月到天心人影直花陰細碎印

莓苔

送錢撫棠師歸里之作

待敷霖雨濟蒼生疏傅襟期晝錦榮紅蓼白蘋雙槳下淡
煙疏雨一樓迎藝林八法叨評論文笥駢珍愧拜擎綠野
堂開多樂事重看九老會耆英

冬曉

短夢初迴曙色明宵長枕簟覺寒生紙窗料峭人慵起卧
聽風吹落葉聲

題裕容齋畫瓶中折枝菊花牡丹卽次題畫原韻

冷豔羣芳與伍難孤高曾耐暮冬寒可知歷盡冰霜後纔
共春花一律看

貝勒載澂恭忠親王奕訢子諡果敏有世澤堂遺稿

春柳

依依楊柳傍沙汀，幾日東風舞未停。
細雨鶯聲橋畔路，夕陽人影郭邊亭。
腰支漸展三分綠，眉樣新添一抹青。
隔岸漁家晴旭暝，絲絲纒覆釣魚舸。

貝勒載滢字湛甫號怡菴又號清素主人雲林居士恭
忠親王奕訢子有繼澤堂集

雨夕

煙水澹悠悠，蒼茫暮靄浮。
萬峯吞落日，一雨釀深秋。
雲黯窗先暝，林陰翠欲流。
湖山觀不足，滿壁畫瀛洲。

擬古

古人不可見，後來安得知。
已過卽幻夢，未到徒勞思。
光陰良可惜，方寸胡不怡。
所以古達人行樂，須及時，勿爲名利。

縛勿爲物累羈萬事偶然耳隨遇安所之但自保忠信任
運無可疑笑指天心月虛明是我師

肅忠親王善耆號偶遂亭主肅武親王豪格八世孫襲

封官民政部尙書諡曰忠

詩話王爲肅武親王八世孫折節讀書好與士大夫
游書翰出入平原北海兩家清勁疏爽翛然絕塵搢
詩亦如之國變後出居遼海悒悒以終

詠雪

夜來得微雪曉起不勝寒醞酒猶嫌薄重裘尙覺單勤王
誰李愬閉戶盡袁安寄語西征客應知行路難

和毓將軍遣感詩韻

多少興亡恨長歌對酒時乃公無所用豎子爾何知大業
成孤注強鄰哂太癡他年青史上一段解人頤

雪夜

濃雲鬢魏單山家散作人間六出花翦燭清談招舊雨開樽相對醉流霞市朝幾輩猶無褐帳殿三軍尙著紗譙鼓
皦皦人寂寂天公玉戲更交加

貝勒毓朗號餘癡生定安親王永璜五世孫官軍諮府

軍諮使有餘癡生初橐

詩話餘癡生爲定安親王五世孫初封鎮國將軍陟
歷卿寺後承大宗進爵馴致柄用詩以蒼秀勝與偶
遂亭主相亞北地寒沍栽梅盆盎獨其邸中庭植
一樹花時讌賞每以自豪追念前游悵惘不置

夢中至一古寺云看梅花旣入門見西牆薔薇盛開

回視月正東升口占此詩遂醒

太白睽睽星熒熒一夜東風吹月上我來寺裏看梅花不
道薔薇高一丈

庚子元旦

青帝昨日回未回人間喜氣動如雷
人知歲歲傳元日我喜融融蘇舊
芟旭日漸生牆角草東風行放樹頭
梅年來更覺天機活轉識浮生眾妙
該

題侗將軍西園

歛心玩泉石縮眼察園林
野老無拘束山泉有妙音
地偏塵世隔樹密屋廬深
靄靄夏山色尋階上素襟

和耆壽民舊作城頭望雪

冰海風來林谷響雪大如輪小如掌
初驚老木著春花繼訝幽襟作秋爽
天低已疑宇宙隘眼明陡覺庭院敞
更上城頭望匡廬浩渺光中失粒塊
欲尋奇趣無中邊那更窮幽問罔象
萬弩錢塘潮上時千里平沙日初晃
玉龍戰罷

雲偶開恍惚晶瑩見顛顛松林得雪已奇絕城上吟詩氣
無兩茫茫銀海坐危樓波平不復勞雙槳不嫌覓句禁體
物生恐抽刀斷馬鞅一時豪興無古人此日胸中餘妙想
曲高和寡繼者誰襍襪舞鶴失圓吭

寄伯先姊丈

怱怱歲月又東風亂後惟餘詩句工徒有繁華驚俗眼更
無密訣受方瞳拙書我亦孫莘老跨鵠君應蘇次公記否
北山相對語一般風味與今同

晚晴籀詩匯卷八終

晚晴籀詩匯卷九目錄

博爾都 二十三首

塞爾赫 二十三首

文昭 二十六首

文淵二十六首

軒爾赫二十三首

塞爾赫二十三首

明耶翁言匯卷九目錄

晚晴移詩匯卷九

徐世昌

博爾都字問亭號東臯漁父輔國愨厚公培拜孫襲輔

國將軍有問亭詩集白燕棲草

汪堯峯曰先生貫穿經傳錯綜典墳而又深研性命之旨博求天人之源先生之於道誠不足窺測其所至若其近體之精新歌行之雄放所謂載道之言亦既誦而屬和其一二矣姜西溟曰先生鍾天潢之秀朝詣闕下閒行郊墅非有幽深汗漫詭特之觀足以暢發其心志也然一下筆居然有重山疊波烟雲

之勢
詩話問亭將軍系出太祖與紅蘭為再從昆弟居東莊有楓莊爽園諸勝阮亭鈍翁愚山其年大可蝶園梁汾耦長諸君皆從之游詩以疏雋勝其近體佳句如東臯野望云野色侵衣冷谿聲入戶喧雨後坐閒園云密樹含風冷歸雲裏日斜題友人山房云窗落穿松月簷飛度水雲東臯秋夜云窗前敗葉隨風舞籬外寒流帶月明喜晴云門靜塵隨車轍淺階前苔逐展痕生甕山云留人燕語停新幔攜子輕鷗宿

淺沙卽景攄
懷辭近旨遠

秋夜

閉戶無塵慮幸免事干謁賦性實魯鈍壯心竟消歇天際
來冥鴻飛鳴度城闕聲響一何哀依依清人骨顧我東籬
菊露重香不發獨坐抱玉琴披篋待寒月

披萊覓高士暮歸霜滿天東山月始上萬籟已悄然花氣
滋秋露漏聲滴寒泉思就壺公宿凌風共周旋

送苦瓜和尚南還

涼雲日夕生寒風逗秋雨況此搖落時復送人去飛錫
竟何之遙指廣陵樹天際來孤鴻哀鳴如有訴敗葉聲蕭
蕭離思分無數登高欲望君前津滿煙霧

題葉季良小像

樹老香還幽人閒地亦靜澄波浸山色修篁篩日影時有
雙白鶴飛來上漁艇

薊門

燕關一夜西風生黃雲吹墮漁陽城翦燭無言起愁坐萬
戶千門惟月明忽聽天邊笛聲作隱隱隨風度羅幕鴻雁
遙從塞外來月明倒影樓頭落闌干倚徧夜婆婆楊柳曾
傷攀折多玉笛能傳千載怨秋來愁聽武陵歌

松化石歌

吾家有奇石乃是松所化空谷幾千春移來傍亭榭園林
從此多清氛蒼蘚玉節依然存日斜窗外滿寒翠月明簾
下留層雲我至盤桓長手撫似帶幽巖舊風雨虬枝無復
波濤驚霜皮半染莓苔古錦紋素質寒菁蔥階前彷彿山

靈通只知今日成黃石那解當年是赤松

答友人見懷

憶爾清風夕懷予定有吟悠悠東去水不及此情深爲覓
無聲句酬茲太古心來宵新月上待爾再彈琴

寄懷汪鈍翁

故人三載別煙樹杳重重歸雁雨中去裁詩花下封嘗同
卧山館空復對雲松猶記題名處玉泉最上峯

潞河曉發

畫鷁鳴晨鼓荒隄起曙鉦推窗看月卧掛席破煙行村遠
連沙白林昏接水平儻然心意靜眞覺萬緣輕

務閒

務閒乘小艇隨意下清湍霽雨夕陽寺秋風紅蓼灘沙明

蛩語急雲薄雁聲寒盡日無人識煙波伴釣竿

送馮文子南旋

文子南歸日聳身騎白龍凌風一長嘯飛過九華峯齊魯
關河湧淮陽雲樹重他時如記憶吟詠寄囊封
詰旦唱驪歌清秋奈別何寒花孤驛少哀雁大荒多揚子
乘風渡康郎冒雨過草堂雖好在遮莫滯煙蘿
蕙帶束奚囊飄然向草堂近窗惟藥竈比舍卽漁莊細雨
沾苔滑高雲覆院涼幾年棲隱地松菊未全荒

寄懷王掄客

憶汝遙羈鸚鵡洲半生寥落被羊裘百篇投老情猶壯三
寸徒存策未收夜雨瀟湘蝴蝶夢秋風鴻雁稻梁謀天邊
黃石何由見脈脈慵登尺五樓

送素庵監牧口北

分手河橋木葉黃白沙衰草徧橫塘
月明回首人千里磧冷驚心雁幾行
玉塞雲深堆苜蓿銀蹏秋老破風霜
居庸翠湧羣峯秀定有新詩貯錦囊

送華子千南歸

對酒離懷且共寬那堪匹馬出長安
煙凝春草荒城暮雨涇輕颿野渡寒
幸有雲山供過眼祇憑僮僕勸加餐
知君不慣塵氛苦好向清溪把釣竿

送顧梁汾南還

雪霽郊原映翠微紅亭分手欲沾衣
春風古道人歸去斜日荒村鳥亂飛
長蕩鶯花隨處好平津車馬與心違
何年訪爾空山裏相對清齋學息機

南苑

城南御氣動昭回羽葆參差帳殿開落日歸來盤馬埒春
風吹上晾鷹臺長楊苑側金笳發細草原頭畫鼓催自有
詞人誇羽獵眼中多少上林材

萬柳堂

高堂翠繞柳千條振策登臨入絳霄日影漸移雲覆檻泉
聲不散雨過橋山盤曲徑看人小花布重陰隔市遙莫怨
章臺攀折手月明還有客吹簫

寄懷梅耦長

帝城別後竟誰依知向江干暫息機雨過漁舟當戶集秋
深沙燕貼窗飛愛看水月宵移櫂靜憇松陰晝掩扉幾欲
寄書征雁杳空教翹首對斜暉

雁

零露冷汀洲歸鴻度小樓秋心齊喚起不止動邊愁

桃花寺

山寺憑欄對夕曛寒煙暮靄互氤氳數間茅屋圍紅樹一曲清溪出白雲

東臯泛舟

乘興蘭橈泛碧溪漁歌驚散水禽唳白蘋渡口煙初暝紅蓼灘前月又低

塞爾赫字慄庵一字曉亭號北阡季子誠毅勇壯貝勒穆爾哈齊曾孫封奉國將軍官戶部侍郎總督倉場有曉亭詩鈔

沈歸愚曰曉亭遇能詩人雖樵夫牧豎必屈己下之固以詩爲性命者也辨唐宋之分如淄澠有佳句云

一水明殘照孤村入暮烟宋朝

侯

南渡君稱姪周室東遷帝是侯

詩話曉亭將軍系出顯祖紅蘭問亭皆三從昆弟

詩鈔四卷各爲集春雪三餘懷音秋塞其子目也

累任大僚晨夕佔畢如儒生乾隆九年高宗幸翰

林院選詞臣三十八人侍宴賦詩非甲科雖公孤不

得與特命將軍以宗臣侍明年宴瀛臺亦如之時以

爲榮遇其詩氣格清曠風度諧婉五七言近體如柳

深陶令宅路閣謝公村高風敬雁陣落葉減庭陰風

欺孤枕人無夢雲過空山雪易成背山路僻人稀到

空谷風腥虎自來亦皆佳句固不僅如歸愚所標舉

也李鐵君爲作傳舉其恆言云凡事務快於支體則

心有未安理欲之分不可不辨又云鬼神與人呼吸

通吾期無愧而已是則藝進於道又非專治詞章者

所能望其項背居官廉介稱其生平二子立

齋厚庵並能紹世業詩鈔卽厚庵所編次也

廡青山人壑舟書屋初成載酒落之

新構米家船煙雲欣有託棲遲殊大厦我來先燕雀低檻

避驕陽疏櫺映叢薄江湖旣已遠波浪何由作畦蔬雜澗

蘋尊前花自落烏聲桔槔聲過耳雨不惡灌園有於陵看

山近南郭僮僕狎荆榛婦女甘藜藿手把一卷書偃仰無
愧怍沈沈淵底珠矯矯天邊鶴盤陰有輞川丹青徧京洛
綠蘿翳松篁囂塵阻巖嶸此屋潞河隈誰識非藏壑

相逢行

三年騎款段不知牝與牡出門遇所歡欣欣共攜手問君
爾何爲僕僕牛馬走豔豔迎秋花濯濯當春柳昨日美少
年今日成老醜自無羨門術安能金石久舉頭仰華嵩低
頭望原藪一日薄三公千金重敝帚芙蓉霜作鏹驂騮龍
作友成坼黃河陰臂斷匈奴右隴阪長九折葡萄綠於酒
脫葉眷故枝柔絲牽斷藕慷慨老萊子畚鍤隨其婦北山
怨鶴鳴疇能終畝畝

丁亥暮春游盤山便訪拙菴上人

風和隴麥青郊曠游目騁天際遠墟閒樹杪浮嵐迴新綠
靄叢薄雜花綴疏影詎憚輿馬疲終隔煙霞境逶迤巨壑
深拾漌飛泉冷石繡古苔斑鳥啼春日永雨餘林氣澄雲
歸陰岫暝託根層崖松無爲感潛穎夙慕山棲幽頓遣塵
念屏一徑緣西麓千盤凌絕頂紺宇禮尊宿浮圖落高景
次第辨諸峯微茫睇沙嶺披榛扣禪關閒房太古靜晚飯
摘山蔬烹茶汲古井坐對老僧言窅然發深省

秋日游東村

縱步副游情瞪目愜心賞晚霽愛澄川流光極滌決豐年
蚤穀登閒原百草長陰陰迤阡陌鬱鬱叢灌莽塘迴蒲稗
深陂轉場圃廣境幽客意閒雨過山谷爽墟煙淡將夕沙
路平如掌孤村人未歸高樹聞蟬響

題畫鵲應樺村居士

大火西流風影疾昏霧荒荒沒寒日紙立孤鵲宛欲飛肯
傍秋風啄殘粒憶昔平原短草枯羣飛羣逐鎮相呼霜鷗
野鷓滿霄漢匿影不敢窺平蕪五陵裘馬紛馳驟閒擲干
金爭一鬪毛血易隨黃金盡可憐紈袴鵲衣後君不見漢
家從來重養士疇向疆場報恩死

夏日走筆贈隋海侯

隋侯潦倒燕市側家住山東古卽墨黃金揮盡重交游不
問生涯何稼穡平生磊落希古人湖海之氣風塵身年將
四十游汗漫薊門烟樹空陽春長揖甯知五侯貴椎埋屠
狗同一醉彭澤歸來羞折腰信陵甘執夷門轡君不見齊
人田單古英雄振策初從卽墨始火牛一發挫強燕頓復

雄城七十二翻憶燕齊未遇時英雄蓋代疇復知與君邂逅一尊酒問君今日將何爲燕山道路多嶽嶽煙雲變幻無定期嗚呼隋侯竟安適徒然結我他日之相思

竹闌行

劈枝掄葉束復束循垣繞砌曲更復逶迤庭院轉深沈爲護新篁判舊竹新篁出土如新浴一碧蕭森立寒玉帶雨長連花徑紅籠煙橫鎖蕉窗綠君不見繁絲急管青雲端芙蓉水榭金勾闌風簾初捲芙蓉裏忽度秋風花已殘疏櫺草草蓬蒿徑閒對斜陽餘古歡

與任梅村曹烟廬豐臺看花

煙廬居士閒長晝時潑巖泉掃花岫家住西湖山水鄉筆端猶帶西湖秀梅村老人江湖賓雙眸炯炯鬢如銀人世

馬牛渾不辨惟與海鶴爭精神芍藥城南正放花相期攜
手入晴霞花前爛醉熏風日眼底徐看捲浪沙煙廬年少
梅村老我亦繁霜侵鬢蚤未識誰堪金帶圍鶯殘花落忘
昏曉

杏山行

杏山山上石岬嶠杏山山水濶次山前山後沙土紅疑
是當年覆軍血憶昔將軍初上馬羽檄交馳徧天下貔貅
十萬出雄關遮日旌旗隘原野畫鼓三通不交戰虜策聲
中轍先亂二千鐵騎儼天人大箭長弓一當萬霜摧敗葉
草偃風血流海色波濤紅功成不坑長平卒祇今竹帛褒
元功吁嗟推轂竟何補獻俘解縛拜聖主有人東望尙招
魂衣冠昔葬燕山土

馬

不識天閑路徒甘塞草肥有時衝雪去何處踏花歸苜蓿
三秋老風塵一顧稀更堪悲伏櫪千里壯心違

過鞏華題壁

廢郭夾清瀨孤墟生遠煙沙晴雙鷺下花暝一牛眠微雨
近寒食東風似去年客程方鹿鹿空對好春研

曉發撥洛那越新嶺至興州

馬疲愁跋涉客病卻登臨細路盤危石空山響怪禽感羸
頻握臂守默只齋心曉色旋成暮寒蛸時一吟

五日

蒲芽抽筍出晴波五日重驚塞上過豈不懷歸當令節誰
能遣此但狂歌連天細草初調馬捲地長歌一枕戈無限

晚晴翁言四卷九
八
心情兼客況十年空對舊山河

夕陽

東隅一望遠煙生自顧頭顱感未平
暗送馬蹏催倦客明隨鴉背上高城
三春雨後花無賴九月風前葉有聲
獨坐閒階惜餘景桑榆滿眼不勝情

夢覺

一枕秋窗夢未閒半生如醉獨蹒跚
逢時漫說平津閣往路多成蜀道山
豈有金蘭同臭味也知秦越共塵寰
羨門已去長房遠更向何人覓大還

秋杪喜大盜自滄州還

獨泛孤雲向海邊客窗誰與聽鳴蟬
滄浪一曲孤鐙外紅葉千山瘦馬前
空館荒涼猶有菊詩囊羞澀已無錢
開簾

應悔歸來晚先得秋風伴惠連

秋日晚步次胡宿二茂才韻

林色秋煙晚更蒼短藜扶我力猶強天從歸鳥沒邊碧葉
向游人到處黃驀地商颿吹面急誰家羌篴倚樓長臨臯
步屨月初上驚起雙鳧出野塘

喜晤石城顏處士徵子卽用顏望湖原韻卻贈

世事都如負壑舟愛羣常是狎羣鷗坐無宏景三層閣卧
有元龍百尺樓氣奪駑駘徒戀棧影迴孤鶴欲橫秋佇看
落葉西風起一夜鄉心滿石頭

書大益山房詩卷後

青女擎霜細作花一聲鶴唳散明霞海風吹上三山月雲
液煙芝夜煮茶

詩中邱壑夢中緣回首登臨已六年昔日酒痕今日夢三生石上有嗁鵲

寄雲溪參贊

產得龍媒別渥洼每看芳草恨天涯逡巡忽憶嫖姚語未

破匈奴莫問家

雙節詩

王吉臣名天佑直隸大名夫人康熙戊子武孝廉善岐黃術手狀其母兩夫人始末索詩按

吉臣祖籍會稽父署涇陽功曹時流寇圍城急功曹白宰繼城出說寇冠加以白刃給之日既出分死殺我何恨但恐望風者懼而不敢降且益堅壁耳孰與縱我為內應乎遂釋歸已而救至獲全先是其妻李聞夫出度無還理乃投廢圃井中而井涸已先有人訊夫之一處子也姓朱氏隨父避亂來是邑父歿於亂軍女誓死此井二人既相得為姊妹願同生死比功曹歸並出之為朱擇配不可請為側室即吉臣生母也後相夫教子克勤克儉居同室食同器數十年如一日云

王生名駒日千里長揖公卿皆倒屣兩母芳型世所無無

用張憑親作誅府君曩署涇功曹流寇圍城虎怒號功曹
奮身思卻賊幾陷白刃遭烹炮給賊歸來益堅壁真見睢
陽探鳥巢射書安事聊城箭全城意氣常囂囂王生二母
朱與李一井相逢誓生死金石同心甘下人嗚呼忠節成
連理不知誰與撰豐碑空使冰心天地垂七十餘年今逝
水寒泉凜冽繫人思自古鬚眉愧巾幗人間鼎足此男兒

杜姬詩

杜姬者甯夏協領明泰妾也初泰以事籍其家謫甯夏姬祖於郊抵暮令返姬曰君雖與

妾訣妾將何之遂結束徒步扶持詣謫所有仇家欲謀殺泰姬廉得揚言以懼之仇不敢發姬於是編茅以蔽風雨晝當鑪夜執鍼紉以給旦暮凡八年未嘗頃刻離泰遂得赦免歸先是姬懼禍烈無生理陰具衣數襲金數十兩爲棺斂計至是著衣市馬聯轡而歸朔方之賢豪長者多其貞而能智賦歌詩美其事因爲作杜姬詩

浮萍託江漢聚散無常期
女蘿附松柏榮悴永相依
邂逅

得從君情好無轉移君情若綺羅新故同一絲妾心如白石成灰猶不溜少小勤執作頗解縫裳衣有無共黽勉賤妾職當爲一朝罹禍患長驅赴西陲蔽身無完服空囊無剩貲兒女走相送但牽君衣啼丈夫自有淚肯向別離垂顧妾一揮手去去從此辭譬彼秋葉落安能戀故枝君如孤飛雲妾作濁水泥甯作濁水泥與君共馳驅鴛鴦不獨宿鴻雁常雙棲徒步雖蹒跚願逐君馬蹄生與君綢繆死當相追隨遙遙古朔方人事日已非仇多親故寡顧問良所稀面垢項長柳風沙眼猶迷旦暮蔽雨雪爲君結茅茨篝鎧弄鍼黹爲君療寒飢當鑪古所有滌器潔尊罍坐卧同形影須臾不相離一生有九死倉卒防已遲鎔銖妾所積忍令君先知君歿妾當從慷慨心不疑八年一彈指得

赦生同歸衣馬龕具足道路芳菲非向非親比猷安能有
今時至今朔方民南望興長思

文昭字子晉號薌嬰居士又號紫幢軒主人北柴山人

饒餘敏親王阿巴泰四世孫有紫幢軒詩集

王樓村曰紫幢以鮑謝為胚胎而又兼綜眾有擷諸

家之精華其味在酸醜之外鮑西岡曰紫幢王孫

錄天橫詩為宸萼集撰於聖廟庚寅歲第一卷恭

載吟鳳唱皆太平和吉龍吟鳳唱皆太平和吉

詩話薌嬰居士系出太祖少時及漁洋山人之門

辭八讀書嘗侍從祖紅蘭主人分韻得句云花香高

閣近書味小樓深深為主人所賞手錄古詩及陳思

靖節拾遺曲江四家為古詩管右丞太白工部左司

司勳五家為三唐詩管東坡山谷放翁遺山道園青
田青邱漁洋八家為五朝詩管上下數千年僅取此
十數家足以標其宗尚又錄宗人詩為宸萼集題七
絕五章於後云青蓮昌谷兩仙人解愛東坡有德麟
不是天潢風雅盛由來四始詠振和氣蒸濡數百
秋萬條柯葉布中州隱囊塵尾承平後莫笑朱門盡

粉侯蔥蔥佳氣五陵原綠閣詩人格調存留得錦囊
 寒瘦句開元幾葉辨王孫半世功名託彩毫百年文
 獻敢辭勞中州集後南州集也著新編奪錦袍紅蘭
 已死問翁祖此事渠誰更覓途萬馬奔馳榮利熱有
 人重下冷工夫集凡三十卷古瓶集龍鍾集飛騰集
 吟東屯集在告集交春集古瓶續集屏齋檉槐次吟
 知田集雍正集松風支集檜棲草畫屏齋檉槐次吟
 艾集臺溪集石孟集盤山記游草瓢居草病榻吟為
 子目二十一入旗通志收薌嬰居士集入
 卷列古瓶續集以下子目僅五蓋非足本

葦溝村

早發葦溝村膏車出郵傳倦睫帶殘睡春風醒酒面板橋
 響馬蹶拍拍起鳧雁圓沙平似鏡幽草細如線此古長城
 窟有遼作涼殿川原罨眼布界限犬牙穿人坐安車中行
 店默數徧宿糧不再春已閱五州縣

盤泉

四山亂山堆泉聲石底響問訊盤泉名飯後一來訪崖高

窄徑紆到此忽開敞鯨甲走滑流魚鱗蕩滉漾巖僧遲我
久箕踞橫藤杖煮茗手支鑪拾薪披榛莽展袖拂樹陰對
坐平岡上遙指青溝雲明朝約同往

晨霽園中作

晨霽天無雲颯樹涼風至草木明朝曦青桐影在地小院
闐無人苔徑紫錢翠幽人午夢醒自喜無塵事焚香對黃
老薤草命童穉且復舉一卮悠悠徑酣醉

露坐

露坐夜方淺天外歸雲薄新月掛西南移時向城落涼風
入井闌桐陰起烏鵲燈火上樓臺流螢度珠箔微涼靜宵
分懷抱良不惡吟詩欲忘眠天街傳夜柝

避雨宿宏善寺

薄暮出郭門迢迢川路永西崦日將沈前村煙欲暝敲葉
雨聲繁號林風勢猛電影劃高原遙認招提境取徑到禪
關隔離出鐙影蛩語古廊深苔侵石竈冷道人止我宿剖
瓜代煎茗塵世萬蠅蚋卧此虛堂靜一枕夢魂清晨鐘催
客醒

春雨歌

夜雨瀟瀟隔窗紙久不聽之聽甚喜耳根心境頓爲清柳
眼花胎初受洗疏鐘幾點禁城邊新雁一聲雲樹裏遙思
南畝田膏虛野老扶犁東作始

焦山古鼎歌

海門風動香煙細古殿光歆神鬼睨玉斲寶匣想同陳紀
嬴秦匱定分類劉侯山骨終菌蠢吳女金佐祇侈媚摩挲

不敢近褻玩邾鄆儼覩成周治鏡如對面鑑毛髮動植驚
潛七行字千年獨葆形神全水哭山鳴囚異虜何時流落
江之許亞字欄干雜珠翠有明權相分宜嚴不與秦家別
梟鷲議禮何曾準漢唐但綴青詞固高位苞苴四海踰天
家香冠竟致忠良棄忽傳寶氣燭京口逮繫須臾等兒戲
老奴固應寶康瓠大哉奚取宗廟器金繩鐵鎖喧周道席
裏羶包擁津吏忠弼堂前沈水焚有耳恥聞鄢趙議從來
神物戒饗饗培塿一敗成轉易破鏡飛天杳莫期明珠還
浦堪嗟異感傷離合竟何常移植靈巖享高士清晝網緼
梵唱開深堂爛駁魑蹤避洞荒三詔怪鷹巢鬱鬱誰敵舉
前墮閱世昆明幾劫灰乾坤蟻戰曾何營嗟予裹足未能
游屈首紅蟬甘槁悴江天安得眼雙明急呼袍笏軒昂拜

彭城躍水不可見
蕞爾那許同軒輊
程君好古繼前邈
辨析鳥蟲漏天意
書窗三復王維篇
瓦鼎茶煙颺詩思

曉行羊房道中

瘦馬馱殘夢
驚看去路長
遠煙低似水
小雪淡於霜
鴉陣連平陸
雞聲隔短牆
林端明霽色
不覺過羊房

重陽後三日登水南莊縱目樓

扶醉登樓怯
臨風醒困眠
菊殘重九後
雁沒夕陽邊
淡月如佳士
青山改少年
橫裁羅底絹
平遠寫遙天

冬夜散步

小院淒清夜
新霜壓凍煙
風鳴黃葉樹
月漏白雲天
竹裏鶴時唳
窗中人未眠
步檐閒倚杖
吟罷意茫然

由畏吾村入磨石口值雨

更入村深處疏林十里蟬前山新過雨隔樹遠聞泉吾意
思編屋平生懶問田是中有佳客應爲訪斜川

時序倏已變秋嵐壓接羅荒烟迷舊壘古木暗叢祠搖落
中年興漁樵出世思郵亭渺何許樹杪見青旗

送潘師歸女青道院

好雨宵來足君歸事耦耕到門春水漫壓屋杏花明短草
扶輕策長衫受晚晴清明催上冢吾亦欲山行

聞蛩

秋來已十日殘暑未全平忽聽蟲聲動能令涼思生緒風
時入樹北斗漸沈城欹枕尙無寐孤鐙欲二更

晚晴氣爽鐙火可親偶繙近詩甲乙編次因成一律
得歸茅屋遠塵寰造物多情不吝閒驚酒斷無門剝啄親

取時翁言圖卷九
人時有鳥間關樹頭華月黃於橘天外頽雲墨似山戲罷
五禽還繼火數篇束筭手重刪

和人花朝後二日小雨一陣薄有寒色

輕寒猶似早春時獨擁黃紬起較遲燕子來尋當日壘桃
花開到過牆枝一畦嫩雨栽花鋪半硯閒雲中酒詩兀坐
不知門外事脩脩惟覺據梧宜

八月十五日田間請客

社日中秋併一晨小陳蔬果會比鄰盡情酒罷天將暮扶
醉人歸月滿身秔稻香中風漸勁雁鴻聲裏夜初均長安
歌吹誠如海未必清歡若此真

村居書事有懷城中諸友

得歸茅屋賦閒居卻掃依然靜者初浮白心情批酒券殺

青事業勘農書連筒引水看澆菜步履緣隄課牧豬除是鄰翁來問字並無人跡到門閭

寒夜擁爐效范陸體時小屋料理初畢

坐擁重衾覆暝爐一龕如橘蟄潛夫青氈小疊紅藤几素壁高張碧海圖盤篆煙中燒柏子煮茶聲裏睡狸奴新詩改罷還思酒絮督家僮犯夜沽

初夏西山道中絕句

雨後青山淡欲無晴光處處滿平蕪一枝短策前生伴可
是當年范石湖

柳絲蘸雨金千縷山際浮嵐碧一痕日晚牧兒驅犢過炊
煙浮出老人村

小橋雁齒隔林紅夾水人家宛宛通最是清和好天氣一

村新綠酒旗風

藥闌東畔菜畦西
緩轡垂鞭信馬蹏
粉蝶一雙花裏出
飛

飛故著帽檐低

花藏竹掩小柴門
半架朱藤覆短垣
聖代極知非避世
偶

逢雞犬似桃源

晚煙散髮出林間
一歲曾能幾度還
十里吟鞭歸未晚
夕

陽影裏過琅山

沿村新柳碧毵毵
一抹遙紅夕照酣
水柵山田排比處
畫

圖分得小江南

晚晴窈窕詩匯卷九終

晚晴窈窕詩匯卷九終

晚晴窈窕詩匯卷九終

晚晴移詩匯卷十目錄

福喜 二首

福靜 一首

伊都禮 二首

鄂洛順 一首

弘駿 一首

弘昴 一首

永珥 一首

永年 一首

書誠 二十四首

永忠 七首

敦敏 六首

敦誠 十一首

遐齡 二首

政

英

書

朱

領

守

麻

御録用圖念十日版

澤

水

衣

履

得

麻

晚晴謩詩匯卷十

徐世昌

福喜字損亭輔國公常舒孫襲奉恩將軍有學圃堂集

病起

小疾纔三日幽情減二分對花疏把酒倚檻懶看雲暑氣
先秋逼喧聲近市聞更兼吟太苦瘦不讓休文

野別

隱隱行旌野樹間魚軒久駐望前山天空絕塞雲孤往日
下高原鳥自還縱擬離魂酬鈿盒難持破鏡覓刀環相憐
應有南飛雁錦字偷銜入漢關

福靜字樂山克勤郡王岳託五世孫襲奉國將軍

次清爽齋韻

玉律調朱火芳園結翠陰
徑幽無暑到竹靜有風吟
清朗數間屋虛明一片心
高情與地稱琴鶴作知音

伊都禮字立齋奉國將軍賽爾赫子有鶴鳴集

春日喜晤汪武曹前輩

豔陽多佳日淑景流輕颺
閉戶良所欣讀書聊自怡
高軒時到門趨走迎階墀
華髮耀雙眸炯炯揚高眉
神鸞噉清音轉盼雲霄時
况窮靈臺奧能盡天人奇
我欲從君游負笈相追隨
餘光破昏途攀此瓊樹枝

秋夜有憶

微月下庭樹幽房寐獨遲
不知何處笛來觸舊相思
銀漢浮槎日江皋解佩時
無聊在良夜還恐夢佳期

鄂洛順字厚菴奉國將軍賽爾赫子襲奉恩將軍

故人芳履安子昆季同時入泮詩以勵之

世澤從來瑞應殊文光今見耀雙珠影聯泮水輝相映香
發芝蘭韻不孤簇簇喜看盈彩仗煌煌爭見靄庭衢定知
秋榜兼春榜鵬鷺仙班總並驅

弘駿字華川號冷吟居士固山貝子品級允祿子有冷
吟集

移牀竹下清風襲人喜而有賦

炎歊避何處萬竿涼可沐移榻就此君相與媚幽獨娟娟
淨綠陰瑟瑟翼蒼玉爽氣何泠然素襟亦靜穆夢期子猷
來枕邊風簌簌

弘昂字據菴慎靖郡王允禧子早卒

夏日集西園分賦得宜字

日上林園客到時輕風薄曉正相宜一簾野翠山光動半
榻清陰竹影移酒瀉荷筍行把盞書成蕉葉坐題詩諸公
饒有西園興翰墨幽香拂硯池

永珩字敬存號石樓居士輔國公弘眺子官護軍參領
有鑑山堂詩鈔

環翠山房

攤書爲杜清談漸種竹無關玉筍齊山雪昨朝纔斂白春
光已綠易州西

永年字羨門一字純齋號飲魚輔國恪僖公弘瞻子
冬夜懷二兄西征

宿火簾籠釀冷天繭幃布被怯孤眠如何帕首弓刀客夜
渡冰霜敕勒川

書誠字實之一字季和又字子玉號樗仙鄭獻親王濟

爾哈朗六世孫襲封奉國將軍有靜虛堂集

詩話樗仙性慷慨不欲嬰世網年四十託疾去官臨
有隙地盡蒔蔬菓手畚鍤從事晚講養生術食稍茹
甘味必哇而出之詩以疏放勝近體如放鶴終當謀
一艇聽鶯聊且據雙柑懸籬老瓠堪盛酒敬岸殘荷
欲得詩松濤滿牖風初灑柳絮一庭春欲歸寒生
石氣千巖溼日轉峯陰半壁昏皆劍南佳句也

答和臞仙

病愧陶隱居投簪髮亦緣只有覓栗兒門業愁難續正似
厲人媼生子遽以燭但勿墜先業那復計榮辱惟恐頑若
余碌碌空食粟山林懶慢人家法無檢束癡兒手一經貌
合神不屬養德應蒙求明箴先寡欲過憂天將墜多事蛇
添足願君惠直言庶不失刻鵠

自翠微山口至第一橋

馬齧平岡欲試濟勝具奚奴荷拄杖負手就熟路經秋
無飄風丹黃滿巖樹迤邐緣澗濱矚目盡良遇谷口忽若
吞噬嗑飽煙霧西折磴漸危山勢益奔鶩小坐拂蘚石佳
境在指顧

題臞仙泥金畫石便面爲嵩山作

米顛愛石世盡知臞仙畫石實過之爲我曾作雙石圖墨
光壓扇千鈞攜嵩山扇頭畫更好銀染金皴氣逾老野花
野草含秀潤芬芳鎮與煙霞保年來卧病神志昏雙眸冷
醒莓苔痕連陰獨坐戶牖暗無乃久雨雲生根契濶將荒
蔣詡徑卻喜求羊新有贈況是相思索我言我言拙硬殊
難稱二君與我交最深笑言往往相規箴但願此交同此
石人間無處重黃金

食筍行戲贈臞仙

可使身無肉不可食無竹將軍嗜筍體瘦健昌歎羊棗皆
麤俗潞河秋泊渭川賈筐筐腥傾籜龍脯乍看鱗甲形模
糊尙覺彭亨鬱餘怒將軍曉起飢腸鳴蜿蜒入口風雷轟
鍊珍百品不足數一味清淨廉泉僧聞道此僧善說法不
棒不喝不梵夾化身現在我窗前我亦從之敬而狎一陽
初復萌始孳彈指蛩鳴鍤可施擬誇新脆連根贈卻恐狐
搯反被嗤知子多生飽蠹簡啖蔗佳境應非遠

龍王堂雙松歌

雙松夭矯憑潭起定是盧師二龍子盧師死後無所歸覓
父還窟帶泥水盡吸東潭涸欲焦并注此潭流不止此潭
之龍向來懶吝雨慳雲靈未顯一泓玦玦不出山安有餘

滋及田畝雙松久已承家風遂使都人識者罕我亦年來
萬事慵登山疲茶逢雙松掀髯大笑投詩去謾謾西莊在
下風

獵石歌

永定河水湍以渾涸難羣石猶南奔禽驚獸駭各異狀爛
斑五色明朝瞰昔年射獵好身手輿疾技癢蒐雲根僮奴
六七翼我進步驟靡不逢其原熊渠精誠可飲羽修羊苗
裔皆觸藩零陵元鳥匡廬雁清遠獅子三蓬豚盡從地出
入我網沙泥膠固絕騰騫卽鹿無虞自多獲足拳翼戢伏
且蹲左右謹譁逞擊搏晉之馮婦齊孟賁五丁神力引蛇
尾古冶善沒磔獮鼉磊磊走送不少息四三朝暮隨狙猿
笑受麤醜自隗始誇詫礪礪爲璵璠膩質詭態漸相繼霧

煙灑眼看瑤琨小，狔大兕不足數。支機貯袖懷河源，嘗聞
董京千日飽，宏成五鹿還。相吞吾非其人，食不得況脰不
熟。過熊蹯，徒染十指盡，皲裂嗜酷無。乃增心昏贊，皇子孫
那長保。奇章甲乙無餘存，尋思往事患得失。拂衣揮石旋
定轅，荒山日暮路幽杳。恍然夢境逢冰痕，非龍非麗石丈
人。卓立千尺凝元神，狂呼再拜攜子手。月中同載歸嶙峋，
嵩山以二扇索寫梅各題一首。

驕陽炙地氣騰火，百計娛心無一可。爲君畫扇固樂爲解
衣，盤礴屢不果。日轉低簷晝似年，風戰破窗塵似簸。暫借
君扇揮蒼蠅，引滿一杯更斝。擘清夢，非因復非想。冰界香
天失故我，萬樹梅花照骨寒。病葉狂花幻霜朵，急醒覓扇
扇在手。摹取一枝興，亦頗寄到神清酒。甕邊知君志在孤

山左

世間萬事無如酒醉眼看花花盡醜惟有梅花惡獨醒直
使離騷不能取吾兄轟飲日萬錢閉門廿載梅爲友殘星
挂簷月不動急雨打窗風若吼此時吾兄睡方穩長瓶支
背瓢承肘今春梅花不著花索我畫扇親自走衰病撓心
興致疏麤枝亂藥拙堪忸願我原非縱鶴翁知君未是和
羹手

讀嵩山夢游天壽山歌次韻卻寄

豈有健步能飛空奇夢突與山靈通夜入天壽馭猛虎曉
隨八神朝紫宮身居富貴玩朝菌神游巖壑餐菁蓉
菁蓉華而
不實喻夢想當朝回脫劍佩閣倚枕開鴻濛須臾千峯
非真也
度脚底蹴踏泉石排雲松畫屏局促鄙宗炳移山委瑣噉

愚公不辨山來與人往細測此理難詳窮煙霞鑄顏氣鑄骨一遨一戲含冲融黃帝得此游華胥至今物穆餘淳風君子在朝小人野何處覓得商山翁誰識將軍作計工暗措五岳實枵胸我今腳疾辭爵封向禽舍我其誰同君當趨朝我贈行努力勲業期銘鐘

題幻翁墨蘭

北人愛蘭不易致畫蘭直作真蘭視吾叔立意恐雷同一以紛糅蘊精粹天地古人皆非師神全故坐形支離快筆如錐劃紙碎破花斷葉含清颺閤閣時聞豹囊鼓輕颺茶煙供香祖世間沈麝敢同焚筆墨聞薰長不腐虛室題詩得數觀似同君子人盤桓薄劣雖慙謝車騎願將心事託芝蘭

爲嵩山題力闔畫扇

近山間遠山力若奔羣馬千里青未了直來壓漁舍舍中
老翁我不如但釣溪魚不讀書寬罾大罾付兒子止留解
艸游江湖江湖茫茫周四圍日暮獨尋煙樹歸妻炊黍熟
兒易酒喜兒魚勝翁魚肥翁心樂矣不知老非惟過醉亦
過飽長安冠蓋日紛紛未若先生此畫好

題損翁壁間幻翁蘭竹

大石橫卧如睡羊小石側立如驚麀數筆都梁倚蒼筤遂
覺肅肅風盈堂老人宴坐背負牆寄情巖谷恣徜徉虎豹
遠跡蛟龍藏神恬氣和邀百祥我來讀畫喜欲狂色聲香
味諸竅張卽事願翁壽一觴醉後同尋幻有莊生平不佩
紫羅囊芝蘭玉樹非所望但乞煙梢萬丈長著我與翁飲

其傍歡呼大笑樂未央

早梅

不假陽和力孤生造物先
九天猶渾沌一樹已嬋娟
節候每相左冰霜竟失權
只因高欲絕無意競新年

新正獨酌

儲歲無餘酒空樽迫典衣
春寒迎雪作人事過年稀
日月忽今昨行藏偶是非
濁醪有妙理隨意一觴揮

灌讀草堂夏夜

竹院初過雨無風氣自涼
蟲聲疑在野月色忽周堂
境靜由神會心閒與物忘
數杯微醉後清露灑衣裳

岷西秋日

岷西山莊無是非礫石境
塢人煙稀牧牛童子鬪草
戲賣

東坡全集卷一
炭老翁買米歸到戶寒蛩啾唧語穿籬瘦蝶支撐飛開門
園圃經霜喜抱甕未遂先息機

浮香亭納涼

六月郊坰草樹豐小園新霽暑全空水亭初散芰荷雨冰
簟來乘楊柳風幽鳥不驚人似槁亂蟬忽聒耳如聾自知
未盡忘機事猶向清溪羨釣翁

憇翠微山下酒家

疎柳危崖夾淺流布帘茅店據清幽黃花尙對去年酒白
髮新添此日游近老情懷如短景欲休官况似殘秋頭銜
苦被山翁問將列雲溪作醉侯

未擬雲巖便卜居久將魂夢託樵漁鳴泉任石諧清濁落
葉因風致疾徐人爲病多情益淡山當瘦盡氣偏餘來春

買犢堪終老不遠西莊有敝廬

次韻嵩山田居雜詠

最羨田居近古風自餘耕鑿萬緣空
因君想見桃源境祇在茅簷雞犬中

鄰曲區分自有宜編榆插柳作門籬
怪來老穉紛紛出道是前村祈社時

溪雲淡淡合還披不定陰晴禁火時
約得鄰翁耘宿麥杏花小雨又成絲

嵐鳴雲莊鬧亦幽家家水碓競溪流
田間午饁人皆歇一片平蕪數點牛

桑間鳩語榭初黃滿榻南風午夢長
終老不行城市路一隅雲水自成鄉

永忠字良輔一字渠仙又字臞仙恂勤郡王允禔孫封

輔國將軍有延芳室集

聖祖詩體秀逸書法遒勁常

詩話臞仙將軍系出聖祖詩體秀逸書法遒勁常

不衫不履散步市廛見異書必購之歸雖節衣縮食

恤也
山晚

暝色自上下高居始見之極目但蒼莽不辨城與陴璧月
東南來漸有清華滋選石坐試茗近傍龍泉池此時妄想
盡惟吟五字詩

山居晚興

模糊米南宮空濛蘇玉局雲嵐變態新煙雨畫意足來作
山中人乃識山隱曲茫茫青靄間鬚眉向人綠

襍被宿翠微全身入畫裏或有山下人貌我圖成紙嵐迷

一鐙炯泉暗亂石齒林巒交岔入醉飽正倚几慚愧東坡
翁備受萬物理

不知今夜雲定作何時雨龍形奮攫拏虎勢橫吞吐咫尺
青靄迷蹶童失步武不因短檠然那復識賓主

重九後一日樗仙召集靜虛堂同嵩山賦

九月十日風物清登高已罷心未平陶公籬菊正爛漫折
簡招我偕酒兵入門就坐不及語但見椎碎黃泥罌須臾
二客各盡醉瀾翻舌楛公無聽或爲炙輠或雕龍水可使
立山可行狂言那可遽如許酒力張翕神遺形墨妙詩清
公不朽我輩碌碌牛馬走無憂有味老聃言多聞見訶調
御口達觀在昔南華莊夢化蛺蝶恣翱翔吾儕醉耶抑非
夢或有眞宰酣黃梁霜風瑟瑟搖窗竹主人送客鐙影綠

但愁醉尉問將軍月好天街不須燭

早發段家嶺

秣馬遲明發東山朱鳥翔煙平春樹闊風細早雲涼雞犬

鳴村遠牛羊牧隴荒田盤看去近今夕宿漁陽

贈無方和尚

老大甘遺世移居雲壑深亂峯圍古寺仄徑出喬林定夜

清猿嘯凌晨野鶴臨門前有流水足鑒道人心

敦敏字子明號懋齋任宗學總管有懋齋詩鈔

詩話懋齋敬亭為月山從兄子英親王阿濟格五世孫也乾嘉之際宗人能詩者樛仙嵩山驪仙三家鼎立迭相酬唱懋齋兄弟稍後起取徑晚唐頗具逸趣月山有贈懋齋詩云龍頭預卜魁多土桃實行看賦有蕢自注明歲將入宗室會試時尚未娶嘉慶前宗人應舉徑赴會試仁宗以為過優始定鄉會試之制自嘉慶辛酉科始

辛酉科始

小雨天橋廠有懷二弟敬亭時住喜峯口
海風水氣腥山翠迫衣冷潮蒸鬱勃雲霧隔朦朧影溝塍
滑泥瀟馬蹶不得騁遙想塞上行雲亂松亭嶺

病中

靜裏悟沈浮門橫一榻幽西風窗外雁黃葉病中秋雨憶
寒宵夢鐘來薄暮愁不眠看夜月又已下簾鉤

西郊同人游眺兼有所弔

秋色招人上古墩西風瑟瑟徹平原遙山千疊白雲徑清
磬一聲黃葉村野水魚航閒弄笛竹籬茅肆坐開樽小園
忍淚重回首斜日荒煙冷墓門

贈曹雪芹

碧水青山曲徑遐薜蘿門巷足煙霞尋詩人去留僧壁賣

畫錢來付酒家燕市狂歌悲遇合秦淮殘夢憶繁華新愁
舊恨知多少都付醅醕醉眼斜

曉起望雨

片雲作段飛宿露沈花圃微風雨未來一鳥過前浦

舟中即目

竹籬茅舍掩清谿幾處人家傍柳隄鷗鳥數聲秋又晚蓼
花紅過小橋西

敦誠字敬亭有四松堂文集

詩話敬亭家有園林四松草堂夢陶軒拙鶴亭五笏
庵皆其游憩地也性嗜酒別構小舍效村肆酒壚懸
帘戶外署曰葛巾居恆與客共飲其中有挽孫灝虛
川詩云鹿洞親依徽國席龍門曾御李君車虛川嘗
董宗學故敬亭出其門又有挽曹霑雪芹詩云牛鬼
遺文悲李賀鹿車荷鍤葬劉伶雪芹為詩喜作奇崛
語故云

朝陽洞

曉出城北門遙上白雲麓健屐攀葛藤絕頂窮遠日隔澗
響鳴泉棲鶻叫古木石徑拾松花坐煮山泉熟下山覓蹇
驢夕陽滿空谷

秋雨

昨夜紙窗聲秋霖侵老屋曉起尙溟濛青煙暗庭竹悠然
步松邱危峯滑如沐寒蟬棲濯枝飢鳥下林木采采決明
花入手秋一掬閒久客稀來小徑莓苔綠

月上村外獨步

秋月上孤村清光照村渚渚水碧而深昨夜添新雨微風
亦修修零露復涓涓黃雲壓稻場紫花香豆圃籬下獨徘徊
竟夕無人語

佩刀質酒歌

我聞賀鑑湖不惜金龜擲酒壚又聞阮遙集直卸金貂作
鯨吸嗟余本非二子狂腰間更無黃金璫秋氣釀寒風雨
惡滿園榆柳飛蒼黃主人未出童子睡昇乾甕澀何可當
相逢況是溘于輩一石差可溫枯腸身外長物亦何有鸞
刀昨夜磨秋霜且酌滿眼作輒飽誰暇齊鬲分低昂元忠
兩禱何妨質孫濟緼袍須先償我今此刀空作佩豈是呂
虔遺王祥欲耕不值買犍犢殺賊何能臨邊疆未若一斗
復一斗令此肝肺生角芒曹子大笑稱快哉擊石作歌聲
琅琅知君詩膽昔如鐵堪與刀穎交寒光我有古劍尙在
匣一條秋水蒼波涼君才抑塞尙欲拔不妨斫地歌王郎
立秋前一日大風雨自朝抵暮不止石塘水溢屋瓦

苔生濤拂長松蠟翻蕉葉臺上對之眉宇生快遂
命酒與家人飲作長歌下之

黑風吹海天地青四野八荒雲晝暝灑作人間三日雨蕭
颼似帶魚龍腥神鞭鬼馭走萬騎居高建屋傾千瓴長空
如掃下雲腳斜飛橫織皆清冷我知上帝沛澍雨故收怒
電藏威霆青鬢未許滴村落黑猪那復泐天溟明朝晨霽
躡松嶂初秋爽動西山陘遙知此際山漲發訇巖響谷無
泓渟安能飛去煙雲窟驚濤獨倚山窗聽臺前景色亦不
惡槎枒竹樹昏簷庭菡萏香深隔略約芭蕉葉大遮窗櫺
石塘水溢魚入戶老屋地上浮新萍山妻不嗔水漂麥癡
兒未至頭觸屏急掃苔茵坐橫石旋開家宴傾酒醺小鬟
行酒老婢壽豈有玲瓏歌且停醉來便枕松根卧松風高

晚晴雜詩匯卷十
落吹人醒

凍蝶行

彤雲壓簷霜如水斷檻空階百蟲死朔風吹蝶何處來猶
向東籬覓寒藥香鬚金翅半消磨欲飛無力可奈何小鬟
戲撲置奩內脂繭爲茵粉作窠記得春時紅紫綻日繞秦
樓過漢殿東風幾日媚芳叢不信韶華去如電滕王下筆
費躊躇瘦形朝來難再摹南華夢斷隔煙水庭空月暗秋
魂孤蝶兮蝶兮暫棲止尙有梅花堪徙倚明年放爾曲欄
中春露團香生鳳子

同諸兄弟飲月下聽濤聲

入夜濤聲急如聞百丈湫村樓歸酒客浦月聚漁舟露氣
涼於雨詩襟淡似秋行歌偕雁侶來此狎羣鷗

潞河舟中遇書筠園李仲青郭澄泉纜不能維一語

別去因寄是詩並感懷貽謀弟

弟墓近南岸

夕照臺前煙樹合契丹城下水雲開卻逢李郭同舟渡可
遇山王隔竹回十里平皋明晚鏡兩隄青靄入殘杯筆牀
茶竈依然在不見天隨放鴨來

山月對酒有懷子明

竹谷西邊澗水東一筇隨意到花宮四更寒吐秋山月萬
壑濤生落葉風遙嶺鐘沈孤塔外殘鐙人語夜厨中定知
清夢迷煙樹湖上南園聽雁鴻

南村雨中

古栢荒祠叫暮鴉春雲淡墨壓平沙一天寒食瀟瀟雨人
在南村賣酒家

明齋詩匯卷一
三
饒婦家家動晚炊，低煙不起繞荆籬。
老農貪著春耕雨，溼盡黃牛下隴遲。

遐齡字菊潭鄭恭親王積給納曾孫襲封奉恩將軍有
嶺雲齋詩草

夏日閒居

雲薄不成雨，遠天開晚晴。
古苔依壁活，幽草閉門生。
飲酒得真趣，讀書無俗情。
閒居儼林壑，倚樹聽蟬聲。

龍泉庵夜題

游興吟情兩不違，煙霞無礙足因依。
崖懸瀑水鳴幽籟，雲裏鐘聲出翠微。
夜靜忽驚村犬吠，燈明遙識寺僧歸。
紅塵縱使高千丈，未許青山頂上飛。

晚晴移詩匯卷十終